

# KE GO HLABA GA LETŠATŠI



A re inamišeng dihlogo tša rena. Morena, ge re kgobokane mo mosong wo mokaone wo wa Paseka, re bona mahlogedi a manyane a kgorometša tsela ya wona go ya ntle, dinosi di fofela ka gare go hwetša karolo ya tšona, dinonyana di opela mo o ka rego dipelo tša tšona di tla phatloga ka thabo, ka gore fao go Paseka. Re a dumela gore O tsošeditše Jesu godimo go tšwa bahung, mengwaga ye mentši ya go feta, lehono, gomme re keteka letšatši le la segopotša.

<sup>2</sup> Gomme a nke fao go tle Paseka magareng ga rena ka moka, lehono. A nke rena, bjalo ka bahlanka ba Gagwe, re kwešiše Lentšu la Gagwe, gore re be re le ka kopanelong ya Gagwe nako yeo, gomme gore bjale re tsogile le Yena gomme re dutše mmogo ka go mafelo a Legodimong.

<sup>3</sup> Šegofatša tirelo mo ka tabarenekeleng, le go kgabaganya dinaga moo e yago, ke mogala wo.

<sup>4</sup> Fodiša ka moka balwetši le batlaišwa. A nke e be Paseka go bona, le bona, le khudugo go tšwa balwetšing go ya maatleng. Gomme bao ba hwilego ka sebeng le ka karolong, a nke ba phele lohono ka Kriste. Gomme re tla tumiša Wena, ka gore re e kgopela Leineng la Gagwe. Amene.

<sup>5</sup> Ka nnete ke tšea wo go ba monyetla wo mobotsebotse, mosong wo go ba morago mo ka Jeffersonville, Indiana, le phuthego ye kgolo ye, kereke e katelane le go ema, le go dikologa le ka ntle, le ka boemakoloi le mo gohle. Go lena batho mogaleng le go kgabaganya setšhaba, ke moso wo mobotse mo.

<sup>6</sup> Iri ya bohllano mosong wo, mogwera wa ka yo monnyane ka sefega se sekheri o fofetše godimo lefasetereng gomme a ntšoša. Go be go bonala o kare pelo ya gagwe ye nnyane e tla phatloga, a re, “O tsogile.” Ka mehla ke be ke gopola ka nonyana ye nnyane ye e le mogwera go nna, ka gore ke a mo rata.

<sup>7</sup> Bjalo ka ge nonwane ka yena e re, “Nonyana ye nnyane ye porawene e Mmone a tlaišega godimo ga sefapano, moo sebe se bego se Mmeile.” Ka nnete, nonyana ye nnyane e be e se na le sebe. O be a se a swanela go hwela nonyana ye nnyane. “Eupša a fofela go ya ka sefapanong gomme a leka go tomolela dipekereke ntle, ka molongwana wa gagwe wo monnyane, gomme a dira sefega sa gagwe ka moka se sehubedu.” Gomme ye ke tsela ye ke nyakago sa ka, le nna, bjalo ka kotse, ya go leka go šireletša Selo se sa letago se A se hwetšego.

<sup>8</sup> Ka go lemoga gore nako ya rena ke ye nnyane mo, gagologolo go bagwera bao ba theeditšego ka gare ka mogala, ke nyaka go biletša šedi ya lena mosong wo go—go senepe seo nako ya go

feta sa go tšewa ke khamera, sa pono ye ka go ba le yona mo ka tabarenkeleng, ya go tlogela Indiana, go ya Arizona; mo ke bego ke tla kopana, ka sebopego sa phiramiti, Barongwa ba šupa. Ke be ke sa tsebe se se bego se tla direga moragorago, ge ke fihla kua, ke nagana gore e be e le mafelelo a bophelo bja ka, gore ga go yo motee a bego a ka kgona go emela mothuthupo; gomme ke na le nnete ka moka le tseba setori. Gomme ka Sabino Canyon, mosong wo motee go swana le wo, ke sa le ka thapelong, fao go bile tšhoša ye ya go bewa ka seatleng sa ka, gomme a re, “Le ke Lentšu, le Tšhoša ya Lentšu.”

<sup>9</sup> Moragorago, Barongwa ba ile ba tšwelela bjalo ka ge go porofitilwe. Gomme ka nako ye e swanago, mokgobo wo mogolo wa Seetša wa tloga mo ke bego ke eme, gomme sa sepelela bogodimo bja dimaele tše masometharo ka moyeng, le go dikologa ntikodiko, bjalo ka diphego tša Barongwa, gomme ba thala ka mafaufang sebopego sa phiramiti ka go kgobokano ya Barongwa bao ba go tšwelela.

<sup>10</sup> Saentshe e tšere senepe, tsela ka moka go tšwa Mexico, ge se sepela go tšwa lebowa la Arizona, moo Moya wo Mokgethwa o boletšego gore ke tla be ke eme, “dimaele tše masomenne lebowabohlabela bja Tucson.” Gomme sa ya ka moyeng, gomme kgatišobaka ya *Life* e be e rwele dinepe, “Selo se sengwe sa sephiri tsela ka moka ka mafaufang, mo go ka se kgonego go ba monola, mo go ka se kgonego go ba dimoyafalo tša eng kapa eng; dimaele tše masometharo godimo, le dimaele tše masomepedišupa go kgabaganya,” gomme go tšwa thwi godimo moo Barongwa bao ba bego ba le gona.

<sup>11</sup> Bjale, ba ile ba botšiša, gore ba tsebe. Saentshe, yo motee wa bona ka Tucson, o be a nyaka go tseba bohlokwa bjo bo itšego, eupša ga se ka ba botša. Ka moka le e tsebile, ke le boditše pele ga nako. Eupša e be e se ya bona; e be e le ya lena.

<sup>12</sup> Gomme ka fao kua O boletše go nna, gomme o rile, “Mahuto a Šupa a tla bulwa. Diphiri tše šupa, diphiri di menwa ga šupa tša Beibele, tše e salego di tswallwa godimo go tloga go theweng ga lefase, di tla utollwa.” Gomme rena, go le bjalo sehlopha se sennyane sa go kokobela, ge se bapetšwa le lefase ka moka, re ipshinne ka ditšhegofatšo tše, go kwa diphiri tše. Lenyalo, tlhalo, peu ya serpente, ka moka dipotšišo tše tša go fapana, di utolotšwe ka go felela go rena, e sego ke motho, eupša ke Modimo, ka Boyena, yo a butšego diphiri tše šupa tše; tša gore Kereke e be e le eng, ka fao E bego e le ka go Kriste mathomong, le ka fao E tla utollwago ka letšatšing la mafelelo.

<sup>13</sup> Gomme bjale, ge se se ile godimo, go na le senepe ka ntle godimo ga petše ya tlhompho. Eupša, ka gona, ke na le senepe se gona se robetše mo, ge o ela hloko, bjalo ka ge kgatišobaka ya *Life* e bile le sona. Eupša ke a makala ge eba batheeletši ba ka, ba

ba bonagalago mo, ba kile ka nnete ba lebelela senepe, le a bona, le a bona, ka tsela ye e swanetšego go ba ka yona.

<sup>14</sup> Le a elelwa, ke be ke rera ge pono ye e etla, godimo ga thuto ya Puku ya Kutollo, moo baahlodi ba kgale, moo re bonego Jesu ka go Kutollo 1. Ge re be re thoma go bula Mahuto a Šupa . . . goba ma—goba Mabaka a Kereke, ke ra gore, feela pele ga go bula Mahuto a Šupa. Kriste o be a eme ka “moriri wa go swana le boya, wo mošweu.” Gomme ke ila ka hlatholla seo go lena, gore baahlodi ba kgale ba Maisimane, le baahlodi ba kgale mo go fetilego, ge ba be ba eya go panka, go enišetšwa ka gare, maatlataolo a godimo a be a neelwa go bona. Ba be ba apara wiki ye tšhweu, bjalo ka ge e be e le, godimo ga dihlogo tša bona, go laetša maatlataolo a godimo a bona.

<sup>15</sup> Go lokile, ge le ka retolla senepe ka mokgwa *wo* le go lebelela, go molaleng le ka kgona go se bona go tšwa go batheeletši, ke Kriste. Bonang mahlo a Gagwe a lebeletše *mo*, feela go phethagala ka fao e ka kgonago; o apere wiki ye tšhweu ya Bomodimo bja Godimo le Moahlodi wa magodimo le lefase. A le kgona go bona mahlo a Gagwe, nko, molomo wa Gagwe? [Phuthego e re, “Amene.”—Mor.] E nong go retollela senepe go tšwa go *se*, ka tsela ye ba se dirilego; ka tsela *ye*, ka tsela ye se swanetšego go ba. Gomme le . . . A le kgona go se bona? [“Amene.”] Ke Moahlodi wa Godimo. Fao ga go yo mongwe gape eupša Yena. Gomme bjoo ke boitsibišo bja go phethagala gape, bohlatse bja gore Molaetša wo ke Therešo. Wo ke Therešo. Ke therešo. Gomme go Mo dire e sego Motho wa boraro, eupša Motho a nnoši!

<sup>16</sup> Ka bošweu, le a bona, le bona boso, sefahlego sa Gagwe, maledu a Gagwe, le mahlo a Gagwe. Gomme elang hloko, O lebeletše . . . Go tšwa go Yena go tla Seetša se se phadimago se ka lehlakoreng la letsogo la go ja, leo A lebeletšego go lona. Gomme godimo ga sefapano, fao ke mo A bego a lebeletše, go la go ja, moo A lebaletšego modiradibe. Ke Seetšeng sa tsogo ya Gagwe, re sa ya pele Leineng la Gagwe.

<sup>17</sup> Ke a duma, mosong wo, gore nkabe ke na le nako ye ntši go—go e šomiša godimo ga tiragalo yeo e lego ka godimo ga morithi ofe kapa ofe wa go kamaka, e netefaditšwe lebaka la masometharo a mengwaga a go feta, goba masometharotlhano a mengwaga, thwi mo ka kerekeng ye; ge e sale go tloga tlase nokeng, ge Seetša se se swanago sela se tlile tlase ka Jeffersonville, ka 1933, le go bolela mantšu ao, “Bjalo ka ge Johane Mokolobetši a romilwe go etapele go tla ga pele ga Kriste, Molaetša wa gago o tla etapele la bobedi.” Re nakong ya bofelo, gomme re a e bona. Re a makala dinako tše dingwe gore ka baka la eng e se ya phatlalala godimo ga lefase; mohlomongwe re tla ba le sebaka go hlalosa seo, ge Modimo a rata.

18 Bjale ke nyaka le bula ka go—ka go Dibeibele tša lena, bjalo ka ge ka mehla re dumela gore Lentšu le swanetše go tla pele, go balwa ga Lentšu. Ka mehla ke bala Leo, ka gore Le . . . Mantšu a ka ke lentšu la motho, le tla feila; eupša Lentšu la Modimo le ka se tsoge la feila.

19 Bjale re ya go—go bala go tšwa go Mangwalo a Makgethwa, hlogotaba. Gomme re nyaka go le bula, pele, go mafelo a mararo ka Beibeleng, ao ke a kgethilego go bala go tšwa go wona. Le letee la wona ke Kutollo, ya 1 tema, gomme ya 17 le 18 temana; ye ke mo A tšweletšego ka “moriri wa Gagwe wo mošweu bjalo ka boya; gomme maoto a Gagwe a be a le bjalo ka mphiri.” Gomme ka gona ke nyaka gape gore le le hwetše, ka Dibeibeleng tša lena, Baroma 8:11. Ke kgethile, mosong, mafelo a mararo go bala, go tšwa go Mangwalo a Makgethwa, bakeng sa Molaetša wa ka lehono, wo Morena a o beilego godimo ga pelo ya ka bakeng sa tsogo. Gomme ka gona ke nyaka le, gape, Mareka 16: 1 le 2. Fao ke tla goga ya ka—ya ka tshwaragano.

20 Bjale ka go Kutollo 1:18, re bala Mantšu a, 17 le 18.

*Gomme ge ke mmona, ke ila ka wela maotong a gagwe bjalo ka mohu. Gomme a bea seatla sa gagwe sa go ja godimo ga ka, a re go nna, Se boife; ka gore Ke wa mathomo le wa mafelelo:*

*Ke nna yo a phelago, gomme ke be ke hwile; gomme, bona, Ke a phela go ya go ile, Amene; gomme ke na le dinotlelo tša lehu le hele.*

21 Gomme ka go Baroma ya 8 tema gomme ya 11 temana, re bala se.

*Eupša ge Moya wa yo a tsoitšego Jesu go tšwa bahung o dula ka go lena, yo a tsoitšego Kriste go tšwa bahung gape o tla phediša mebele ya lena ya go hwa ka Moya wo o dulago ka go lena.*

22 Gomme bjale ka go Mareka ya 16 tema, tema ya tsogo, ya 16 tema, ya 1 le ya 2 ditemana.

*Gomme ge sabatha e fetile, Maria Magdalena, mme . . . le Maria mmago Jakobo, le Salome, ba ile ba tliša ditlolo tše monate, gore ba tle gomme ba mo tlotše.*

*Gomme ka masa kudu mosong wa letšatši la pele la beke, ba tla lebitleng letšatši le sa hlaba.*

23 Bjale, hlogotaba ya ka mosong wo, ke nyaka go tšea bakeng sa hlogotaba: *Ke Go Hlaba Ga Letšatši*. Gomme bakeng sa thuto, ke nyaka go šomiša, “Maatla a go phediša.”

24 Bjale, le a tseba, mohlomongwe le kwele radio le badiredi ba go fapana ba bolela. Gomme Ngwanešu Neville wa rena wa go hlomphega mosong wo o boletše thuto ya gagwe ya Paseka, ka tsogo. Gomme ke gopotše gore mohlomongwe ke tla e tšea ye—ye nnyane tsela ya go fapana, e sego go fapana, eupša go

oketša gannyane go feta, mohlomongwe ka lehlakore le lengwe, go lena. Mangwalo, lehlakore le lengwe le le lengwe o le yago ka Mangwalo, ka mehla Le bolela Jesu Kriste. O ka se kgone go tšhaba go tloga go yona, ka tsela ye nngwe. Ka mehla Le a Mmolela.

<sup>25</sup> Bjale, ge lefase lehono ka go—go tirelo ya segopotšo, goba, bonnyane, ka United States le ka lehlakoreng le la lefase, mosong wo, ka dikerekeng le go kgabola ntle, le keteka ka segopotšo sa—sa phenyoye kgolokgolo kudu monna yoo a kilego a ba le yona.

<sup>26</sup> Ke a nagana, bjalo ka Mophološi ge A ehwa, goba bjalo ka segotlane ge A be a tswalwa, O be a ka se kgone go ba mo ntle le go tla ka lefaseng. Gomme ge A ehwa, ka nnete O re boelantše bakeng sa sebe sa rena. Eupša, go le bjalo, fao go bile masea a mantši a makaone ao a tswalwago, gomme fao go bile banna ba bantši bao ba go tlaišega le go hwela lebaka la nnete, eupša fao ga se gwa ke gwa ba yo motee a kgonnego go itsoša ka boyena gape go fihla letšatši le.

<sup>27</sup> Bjale, gore ke beke ye kgolokgolo kudu ka go histori, mokete wo mogologolo kudu go dinako ka moka, Paseka ye ke moo A netefaditšego se A se boletšego. Monna a ka kgona go bolela dilo, eupša go le bjalo ga se tlwa go kgonago go dumelwa go sona, ka go tseenelela, go fihla se netefatšwa go ba Therešo. Gomme bjalo ka Modimo, Yo a rilego, “Netefatšang dilo ka moka; swarang go tiiša go se e lego se sebotse,” A ka se le botše go dira selo se sengwe se A ka se se dirego ka Boyena. Ka fao O ile a netefatša gore Yo e be e le mang yo a hwetšego sebe sa rena.

<sup>28</sup> Gomme, bjale, ga se feela gore ke letšatši la segopotše, go ka moka mapolomo a magolo a a Paseka, le diponete tša Paseka, le mebutla ye mepinke, le go ya pele, yeo re tsenego ka go yona, mokete wo mokgethwa; yeo ka moka e lego gabotse, eupša se ga se selo sa nnete ka tseleng yeo.

<sup>29</sup> Bjalo ka ge batho lehono ba leka gore, “Re swanetše go hlatswa maoto gatee ka ngwaga, ka—ka Labone, gomme ka Labohlano re swanetše go tšea selallo,” le ka moka dithuto tša go fapana tša . . . Ba phegišana ka ge eba e swanetše go ba letšatši le goba letšatši *lela*, goba ge eba e swanetše go ba letšatši la sabatha goba letšatši la pele la beke; goba . . . Ka moka dilo tše e no ba feela setšo. Ke botse bofe bjo le lengwe le le lengwe la lona le tla bo dirago go wena, ge eba o bile le Lelente goba ga go Lelente, ge fao go se Bophelo ka go wena? E no ba feela segopotšo. Seo, fao ga go selo kgahlanong le sona, eupša ba na le ditšo tše di itšego tša go rwalelwa ntle, eupša ba tlogetše selo sona sa mmakgonthe.

<sup>30</sup> Sathane ga a tshwenyege gore o wa bodumedi bjang, goba o nepile bjang ka Thutong ya gago. Ge o foša Bophelo bjola, o ka se tle godimo, go le bjalo. Ga go kgathale gore o wa bodumedi bjang, o lokile bjang, ke dikereke tše kae o bilego wa tšona goba o tla bago wa tšona, ga e re selo se setee ge e se ge o tswetšwe gape.

31 Ka fao, ge Modimo a tsošeditše Jesu godimo go tšwa bahung, a O Mo tsošeditše godimo bakeng sa segopotšo? Gomme a moso wo wa tsogo ke feela letee le—le letee letšatši ngwageng, goba letšatši le le itšego le re ketekago se? Goba, a ke rena baholegi ba tsogo ya Gagwe? Na e ra gore eng go nna? Na e ra gore eng go wena? Bjale re a dumela, ka tumelo, gore O tsogile go tšwa bahung, eupša a seo se na le go dira eng kapa eng le nna? Seo e bile mengwaga ye dikete tše pedi ya go feta.

Bjale go hwetša hlogotaba ye!

32 Bjalo ka ge ke be ke lapile, letsogo la ka le be le baba, go tšwa go ditšhwana tše mooki a mphilego tšona. Bakeng sa, go tloga go ya mošwamawatile bjale, bjalo ka ge le tseba, ka matsatšing a se makae, gomme ke swanetše go ba le ditšhwana tše, morwa le nna. Gomme le kholera, letadi le kheri, le se sengwe le se sengwe, ke be gabotse ke lapile, go ntira gore ke babje. Seo, Kesara o nyaka gore o be le ditšhwana tše pele o eya ka go setšhaba se sengwe. Gomme O rile, “Neelang Kesara se e lego sa Kesara, eupša ka gona neelang Modimo se e lego sa Modimo.”

33 Gomme ka gona ge ke be ke sa dutše kua, ke makala gore ke tla bolela eng go batheeletši ba ba letilego mosong wo; bao ke lebogago kudu ka bona, gomme monna le basadi ba ba ka beago bophelo bja bona godimo ga mothalo wa se o ka se bolelago. “Nka se dira bjang? Nka tšea eng go ba hlogotaba?”

34 Gomme ka gona ge ke sa dutše kua, gabotse ke robetše, mojako wa ka wa dira lešata, ka ntle godimo ga lehlakore la ka pele le ntlo. Go be go se motho fao eupša nna ka bona, bokgole bjo ke bego ke bo tseba. Ke ile ka theetša. Ga se kake ke no le hwetša gabotse. Ka morago ga lebakana, mojako wa kamora ya ngwakwana wa mpša, wo ke o fetoletšego boithutelo bja ka, wa dira lešata, gomme yo mongwe o ile a tšwelapele a šišinya mojako. Gomme ka—ka ya mojako gomme ka bula mojako, gomme, go go makala ga ka, yo—yo mobotsana, yo monnyane, wa moriri wo mokheri, mosetsana wa mahlo a bolou o be a eme fao, a lebeba bjalo ka lepolomo la Paseka; yo a dutšego mo a ntebeletše bjale.

35 O ile a nneela karata. Gomme e be e le . . . Go le bjalo, ke a thanka ge ke fihla gae fao go tla be go le dikarata tša Paseka, le go ya pele; eupša ke e tee feela, ge ke tloga gae, yeo ke e amogetšego. Gomme o ile a re, “Ngwanešu Branham, ye e tšwa go tate le nna.” O be a nyaka go ba le nnete gore “nna” e be e le ka go yona. Gomme tatagwe wa atheraithisi, yo a dutšego ka setulong sa mabili, o rometše karata ye. Ge ke e tšere le go leboga moratwa yo monnyane, ge a rotologile le go sepelela go tloga mojako, ke ile ka bula karata godimo.

36 Gomme ka sebopego sa karata ye ke gogile hlogotaba ya ka. Ka gore, godimo ga karata go be go le Mokgethwa Mareka 16:1 le 2, letšatši godimo, letšatši le be le hlaba. Ka gona ka gopola

ka seo, le ka thuto ya “go phedišwa,” ga Jesu Kriste go tsošetšwa godimo go tšwa bahung, ka goga thuto ya ka.

<sup>37</sup> Bjale, letšatši, mo go hlabeng ga letšatši. Go lokile, fao go kile gwa ba nako ge lefase le be le robetše ka leswiswing la kgotlomphe. Le be le se na le sebopego, gomme le se na le selo. Gomme ka moka le be le apešitšwe ke meetse, gomme le be le robetše kua ka leswiswing, ledimadima, lefaufau la go fifala. Gomme Moya wa Modimo o be o sepela godimo ga meetse ao, gomme wa re, “A go be seetša.” Modimo o be a na le lebaka la go dira seo, ka gore tlase bokafase bja meetse ao fao go be go le dipeu tšeo A bego a di bjetše, gomme e be e swanetše go ba le seetša seo sa letšatši go e dira gore e phele.

<sup>38</sup> Gomme Seetša sa mathomo seo se kilego sa fiwa lefaseng e bile Lentšu la Modimo le le boletšwego. Seetša sa mathomo se se kilego sa ratha lefase e bile Lentšu la Modimo le le boletšwego. O rile, “A go be seetša,” gomme fao gwa ba seetša. Seo se ile sa fetola leswiswi go ba seetša, gore se tliše pele tlholo ya thabo le bophelo godimo ga lefase. Ka gona, Moya wa Modimo, ge O be o sepela ka lerato le lešoko, ka letšatšing leo le legolo, letšatši la mathomo la go hlaba ga tlholo godimo ga lefase; letšatši le ile la hlaba gomme la swiela go kgabaganya, mahlasedi a lona, gomme a omiša meetse go tloga lefaseng, le go dira lefaufau godimo. Gomme, nako ya lona ya mathomo, e be e le go tliša thabo le bophelo lefaseng, ka peu. Yeo e be e le iri ye kgolo.

<sup>39</sup> Eupša, oo, e be e se selo, go hlaba mola ga letšatši, go swana le go hlaba mola ga letšatši ka mosong wola wa Paseka. Nako ye, le letšatši le taboga go ya ka mafaufaung, le tlišitše pele go hlaba ga letšatši mo go gologolo go feta mehleng; ka gore go tliše ditaba tše kgolokgolo ka go hlaba ga letšatši ka mathomong. Go hlaba mo ga letšatši go tlišitše ditaba, gore, “O tsogile! O tsošitšwe go tšwa bahung, bjalo ka ge A tshepišitše. O tsogile go tšwa bahung.”

<sup>40</sup> Nako ya mathomo letšatši le hlabile, ka go Genesi, le be le tliša molaetša gore fao go tla ba bophelo godimo ga lefase, bophelo bja go hwa.

<sup>41</sup> Eupša nako ye, ge letšatši le hlabile, fao go be go le—go le go hlaba ga letšatši gabedi; mogongwe, Morwa, a hlaba. E be e le . . . sego feela l-e-t-š-a-t-š-i le hlaba, e be e le M-o-r-w-a o tsogile go tliša Bophelo bjo Bosafelego go ka moka Peu ya Modimo ye e tshepišitšwego gore ka tsebelopele O e bone e robetše godimo ga lefase.

<sup>42</sup> Go be go se go feta go kgona gore bo—bo bophelo bja dimela bo phelwe morago kua mathomong ntle le l-e-t-š-a-t-š-i go bo tliša bophelong; ga go go feta, lethono, ge barwa ba Modimo ba le godimo ga lefase, go tšea Seetša sa M-o-r-w-a go ba tliša go Bophelo bjo Bosafelego, bakgethiwa ba batee ba Gagwe bao A ba tsebilego pele ga go thewa ga lefase. O ba kgethile ka go Yenamong pele ga go thewa ga lefase.

43 Gomme ka moso wa Paseka, ka gona, ka go tšhila ye felotsoko go be go robetše mabele ya rena nako yeo, ka gore re lerole la lefase. Gomme ka Legodimong, fao go be go le Puku ya mogopolo, gomme dikgopolo tša Gagwe di be di le ka go Yena, di tseba gore ka gore Morwa yo wa Modimo o tsogile, le Yona e tla tsošetša Bophelong morwa yo mongwe le yo mongwe yo a bego a beetšwe pele go nako ye kgolo ye. O tsebile gore e be e tla ba. Gomme a go hlaba ga letšatši ga letago kudu e bilego gona go feta ka fao go bego go le ka gona mathomong, ka nako ge le hlaba la mathomo.

Bjale, ka go kgaola mo gogolo mo ga Setswalelo sa Paseka!

44 Bjale, lehono re na le bolwetši bja mafahla, setswalelo sa Paseka. Batho ba romela molaetša, yo motee go yo mongwe, gomme go thekga matlotlo a magolo a goba tshepedišo, ya dingaka le saentshe ya dihlare go šoma godimo ga selo se sengwe, go ditelela goba go thuša go bolwetši bja mafahla. Ke setswalelo, seo re se bitšago setswalelo sa Paseka, ge re romela molaetša ya motee go yo mongwe. Eupša ge re amogela molaetša, setswalelo seo se robilwe, ka gore setswalelo ke se se nago le molaetša o tlemilwe bokagare.

45 Gomme bjale, Setswalelo sa therešo sa Paseka, godimo ga go hlaba ga letšatši mo, se ile sa kgaolwa; gomme sephiri, sa Bophelo ka morago ga lehu, bo ile bja utollwa. Pele ga nako yeo, re be re sa tsebe. Lefase le be le phiphila ka leswiswing, le phopholetša go dikologa, go gonona ga motho. Teori e be e le magareng ga pelo ya motho, setšo sa dirwa godimo. Batho ba be ba rapela medimo ya maitirelo. Ba be ba rapela letšatši. Ba ba rapela mehuta ka moka ya medimo. Gomme ka moka mehuta ya batho ba ba dirilego diteleime, ka moka ba ile ka lebitleng, gomme ba dutše ka lebitleng.

46 Eupša Setswalelo sa nnete se kgaotšwe, gomme yo Motee Yo gatee a kilego a phela bjalo ka ge re phela, o hwile bjalo ka ge re tla hwa, o ile a tsošwa go tšwa bahung. A moso! Ga se gwa ke gwa ba wa go swana le wona, go ka moka histori ya lefase. Sephiri se ile sa dirwa go tsebja gore O be a le mmogo tsogo le Bophelo.

47 Gomme O rile, ge A etla pele mosong wola, “Ka gore Ke a phela, le a phela le lena.” E sego feela gore O be a le moholegi wa tsogo, eupša ka moka Dipeu tšeo di bego di khutša ka go tshepišo ye kgolo ya Modimo e bile baholwa ke tsogo yeo go ya Bophelong. Ka gore, O rile, “Ka gore Ke a phela, le tla phela le lena.” Seo e be e le go kgaoga ga Setswalelo. Ka gore O ile a tlišwa godimo, ka fao yo mongwe le yo mongwe yo motee yo a lego ka go Kriste o tla tlišwa godimo le Yena.

48 Ka go hlabeng ga letšatši mo ga letago, Modimo o netefaditše, goba o hlatsetše, Lentšu la Gagwe. Ka moka leswiswi le go kamaka mo go bego go sepela ka menaganong ya batho go tšerwe



go tlošwa, ka gore mo go be go le Yena Yo gatee a kilego a phela, a ja, a nwa, gomme a ba le kopanelo le mohuta wa batho, mo a rilego, “Ke na le maatla a go bea bophelo bja Ka fase; Ke na le maatla a go bo tsošetša godimo gape.” Gomme bjale ga se feela gore O dirile setatamente, eupša O se netefaditše go ba Therešo. Oo, a selo sa letago seo e lego sona!

<sup>49</sup> Ke na le nnete mosong wo gore le rena, ba ba le dumelago, re ka se kgone go eleletša selo se segolo e bego e le sona. Ka gore O tsogile go tšwa bahung, le rena re šetše re tsogile go tšwa bahung, ka gore re be re le ka go Yena.

<sup>50</sup> Elang hloko bjale. Bjalo ka ge leswiswi le be le apešitše lefase, gomme dipeu di be di sa kgone go phela ntle le l-e-t-š-a-t-š-i go hlabo, gomme leswiswi le be le apešitše lefase. Gomme bjale M-o-r-w-a o hlabile, gomme ka moka leswiswi le timeleditšwe ke Seetša se, ge Se phatlalala go kgabaganya ditšhaba, go ya go batho, gore, “Yena ga a mo, eupša O tsogile!” A se—a setatamente! O netefaditše Lentšu la Gagwe. O Le netefaditše go ba, go ba therešo, ka gore bjale O fentše lehu, hele, le lebitla.

<sup>51</sup> Trinity ya diabolo; lehu, hele, le lebitla; ka gore Sathane ke mothomi wa lehu, ke mong wa hele, gomme gape le lebitla. Gomme yeo e be e le trinity ya Sathane, yeo e thomilwego ke selo se setee, seo e be e le lehu. Lehu, o ya lebitleng; gomme ka go ba modiredi, o ya heleng. Ka moka sona selo se setee, trinity ya Sathane, e bego e le lehu. Leo le be le swere batho ka bothopša ka moka mengwaga ye.

<sup>52</sup> Eupša bjale trinity ya therešo ya Modimo, e lego yo Motee a bonagaditšwego ka go Kriste, Yo e bego e le Bophelo, gomme o kgaotše Ditswalelo gomme a fenya lenaba, gomme a tsogela godimo, yo motee wa therešo le Modimo wa go phela. “Ke nna Yo a bego a hwile, gomme Ke a phela go ya go ile, gomme ke na le dinotlelo tša lehu le hele.” Modimo, ka go yo Motee, a dirilwe Motho, gomme a dula magareng ga rena, gomme a fenya lenaba le lengwe le le lengwe. Gomme o netefaditše gore trinity ya Sathane e fentšwe, le gore trinity ya Modimo e dirilwe go tsebja, ka gore feela Modimo a nnoši o bile le maatla a go tliša Bophelo morago gape. O be a le Imanuele yola. Modimo o be a bonagaditšwe ka nameng.

<sup>53</sup> Ga go makatše ge A kgonne go tleleima kua, Mateo ya 27 tema, “Ka moka maatla Legodimong le lefaseng a filwe ka seatleng sa Ka. Ke le roma go ba dihlatse tša Ka, go lefase ka moka.” O fentše mmogo lehu, hele, le lebitla. E sego feela gore O dirile seo; gomme a tla ntle, a fentše, le maatla ka moka ka Magodimong le lefaseng. Ka moka se e bego e le Tate, ka moka se e bego e le Moya wo Mokgethwa, gomme ka moka se se kilego sa ba fao, se be se le ka go Yena. “Ka moka maatla ka Legodimong

le ka lefaseng a filwe ka go Nna.” Se sengwe le se sengwe gape se hloka maatla. O se fentše.

<sup>54</sup> Bjale! Gomme ka gona, e sego feela seo, O rometše Lentšu go barutiwa ba Gagwe, ba go dumela ba Gagwe. “Se boifeng, ka gore Ke nna Yo a bego a hwile, gomme ke a phela gape go ya go ile. Gomme Ke swere dinotlelo go lehu le hele; Ke šetše ke le fentše. Sa hlweng le boifa gape, ka gore ye nngwe le ye nngwe ye e beetšwegopele, e kgethetšwegopele Peu ya Modimo e tla tla Bophelong ge Seetša sela se phatlalala go kgabaganya lefase, sa Ebangedi ya letago. Ka lebakeng le lengwe le le lengwe, E tla tliša pele puno yeo Modimo a E beetšego go dira.” O tsogile go tšwa bahung.

<sup>55</sup> Oo, a selo sa go makatša e lego sona, “Ke a phela, goba ke phedišitšwe.” Lentšu le ra, lentšu go *phedišwa*, lentšu la Segerika le ra gore selo se sengwe seo se “dirilwego gore se phele ka morago ga lehu.”

<sup>56</sup> Go swana le—le peu ye e yago ka mobung, e swanetše go hwa, seripana se sengwe le se sengwe sa peu. E swanetše go bola, seripana se sengwe le se sengwe sa peu. Gomme le seripana se sengwe le se sengwe sa bophelo, seo se bego se le ka peung, se swanetše go tla pele gape.

<sup>57</sup> O ile a “phedišwa.” E sego feela seo. “Gomme o tla romela Bophelo bjo bo swanago bo phedišitšego Nna, Maatla a a tlišitšego Nna go tšwa lebitleng, Ke tla A romela godimo ga lena, go le phediša, gore mo Ke lego fao le lena le tla ba gona le lena.”

<sup>58</sup> Ka go Luka, ya 24 tema, ya 49 temana. O riple, “Bonang, Ke romela tšhepedišo ya Tate godimo ga lena; eupša lena letang, goba lena letelang, ka toropongkgolo ya Jerusalema, go fhla le hlamišwa ka Maatla a go tšwa Godimo.” Go laetša gore Yena ga se a no goga feela ka moka dikholo go tšwa go yona, eupša O abetše dikholo tšeo.

<sup>59</sup> O tlile go lopolla, goba go tliša Bophelong, Dipeu tšeo di kgethetšwegopele tšeo Modimo a di bonego pele ga go thewa ga lefase gomme a bea maina a bona ka Pukung ya Bophelo. Gomme šeba ba mo lefaseng, ntle le kholofelo; Yena ga se a tlela feela go ba Tšhegofatšo, eupša go abelana Tšhegofatšo le Peu ye nngwe le ye nngwe ye e kgethetšwegopele. Bjale, ge Peu e ka be e se lefaseng, e be e ka se kgone go phela. E be e swanetše go ba lefaseng, gape le go medišwa. Ga go kgathale gore ke botelele bjang E bolokilwe ka leswiswing, E tla tla pele ge M-o-r-w-a a phadima godimo ga Yona. Elang hloko bjale, O tla go E abelana le rena.

<sup>60</sup> Ga go makatše Ebangedi ke ditaba tše botse. Lona lentšu *Ebangedi* e ra “ditaba tše botse.” Ditaba tše botse, eng? Ge monna a hwile bakeng sa rena, tšeo ke ditaba tše botse. Ge Křiste a tswetšwe, tšeo ke ditaba tše botse. Eupša ga ya ke ya ba ditaba, fao ga se gwa ke gwa ba ditaba tša go swana le ditaba tše, gore,

Yena Yo a dirilego tshepišo o tiišitše tshepišo, gore, “O a phela go ya go ile, le go ba le dinotlelo tša mmogo lehu le hele, ka seatleng sa Gagwe.” Ka moka leswiswi le šišintšwe go tloga. Fao go be go se sa le leswiswi gape le le ka bonwago, ka gore Morwa o be a le godimo go tšwa lebitleng. Fao go be go se, “Go lokile, O tla tla, goba A ka tla.” O šetše a tlile, Ebangedi, ditaba tše botse!

<sup>61</sup> Elang hloko, wona Molaetša wa Ebangedi, ka Bowona, ke go hlatsela go batho gore O tsogile. “Eya le botše barutiwa ba Ka gore Ke tsogile go tšwa bahung, gomme Ke tla kopana le bona, go tiiša se go bona.” O Modimo, ka fao ka mo letšatšing la mafefelo fao go tla bago Seetša gape go kgabola lefase! “Gomme Ke tla netefatša go barutiwa ba Ka! Eya le ba botše gore Nna ga se ka hwa, gomme Nna ga ke setšo, eupša Ke nna Kriste yo a phelago. Ke tla kopana le bona. Tšeang Molaetša wo go ya go barutiwa ba Ka, gore Nna ke tsogile go tšwa bahung,” Ebangedi, ditaba tše botse.

Le re, “A yeo ke therešo?”

<sup>62</sup> Baheberu 13:8 e rile, “O a swana maabane, lehono, le go ya go ile.” Rena, baholegi ba Gagwe, re ba go netefatša gore Bophelo bja Gagwe bo ka go rena bjale, baholegile ba Bophelo bjo. Bophelo, fao ga se gwa ke gwa ba bophelo bja go phelwa bjalo ka bjona; O be a le Morwa wa Modimo. Gomme O hwile, gomme seo se e tswallela ntle; eupša ge A tsogile gape go tšwa bahung, mosong wa Paseka, ka gona rena, bjalo ka bahlanka ba Gagwe, re romilwe ke Yena go ya ka go lefase ka moka le go tliša ditaba tše botse tše go motho yo mongwe le yo mongwe, gore O a phela. Gomme re ka kgona bjang go e dira ka Lentšu feela? Ka gore go ngwadilwe, “Ebangedi ga se ya tla ka Lentšu feela, eupša ka maatla le ponagatšo ya Moya wo Mokgethwa, go netefatša gore O a phela.”

<sup>63</sup> Bjale, ge fao go le ebangedi ye nngwe, bjalo ka ge Paulo a boletše go se setee sa dihlopha, “Ke a makala gore le retologetše go ye nngwe ebangedi.” Mo fao go sego ye nngwe, eupša ebangedi ya maitirelo, go ya go nonwane ya maitirelo, go retologa go tšwa go ditaba tše botse tšela.

<sup>64</sup> “Gomme ka baka la gore Ke a phela, le tla phela le lena. Gomme Ke phela ka go lena, gomme mediro ye Ke e dirago,” Johane 14:12, “mediro ye Ke e dirago e tla ntsebiša ka Bonna ka go lena.” A Molaetša! Ga go makatše, re bile le lefase la leswiswi la thutabomodimo, eupša ka nakong ya mantšibua fao go tla ba Seetša gape. Fao go tla ba le tsogo ka nakong ya mantšibua. Go tla ba Seetša ka nako ya mantšibua.

<sup>65</sup> Bjale, bjona bohlokwa bja Molaetša wo wa go romelwa, gore, “O tsogile go tšwa bahung,” rena baholegi ba Gagwe, rena bao re abelanago tsogo le Yena, re goga dikholego go tšwa go ye, ka go netefatša go lefase gore O a phela. Re ka se kgone go e dira

ka lentšu feela. Re ka se kgone go e dira ka setšo se se itšego sa motho. Re no laetša tlwa se re šupago go sona.

66 Ke a boifa gore ba bantši ba rena ga ba iše batho go Kriste. Re ba iša go kereke, go teori. Eupša re swanetše go ba iša go Kriste. Ke yena yo Motee a nnoši, gomme yo Motee a nnoši a nago le Bophelo. “Yo a nago le Morwa o na le Bophelo.”

67 Gomme ge bophelo bja monna yo a hwilego bo hlabelelwa ka go wena, o tla phela bophelo bjo bo swanago a bo phetšego.

68 Ge madi a monna e be e le mohuta wo o itšego, gomme wa tšea madi go tšwa go monna yo motee gomme wa fetolela madi a monna yo motee ka go wo mongwe, o tla ba ka go felela mohuta woo wa madi.

69 Gomme ge moya wo o lego ka go wena o tšewa gore o hwile, gomme o tladitšwe ka Bophelo bjo bo bego bo le ka go Kriste, bo godimo ga gago! Baroma 8:11 e rile, “Ge Moya wo o tsošitšego Kriste go tšwa bahung, o dula ka go lena, O tla phediša mmele wa lena wa go hwa le lena,” Bophelo bjola bjo bo swanago, wona maatla a a swanago, bona baholegi ba ba swanago, ba A bilego le bona mo lefaseng, go tšwa go Modimo. O le lopolotše, Peu ye e tsebetšwegopele ke Modimo, bao maina a bona a beilwego Pukung ya Kwana ya Bophelo pele ga go thewa ga lefase.

70 Gomme Seetša seo sa Ebangedi sa tsogo, tiišetšo ya Lentšu! Re tsebile bjang gore O be a le Kriste? Ka gore O netefaditše se A boletšego ka sona. Ke tla tseba bjang Molaetša wa iri? Modimo o netefaditše se A se tshepišitšego, gomme O bolela ka sona. Seo ke boitsebišo, gore re baholegi le Yena ka go tsogo. O netefaditše se A boletšego ka sona.

71 Se A tshepišitšego go se dira ka go Kriste, O se netefaditše go tsogo. Se A tshepišitšego go se dira ka matšatšing a Moshe, O se netefaditše. Se A se tshepišitšego ka matšatšing a Henoge, O se netefaditše. Ka go ka moka matšatši a baapostola, O se netefaditše.

72 Bjale ka letšatšing le, O netefaditše se A se boletšego, ka gore ke bona karolo ya Peu yeo ya go emelwa godimo ga Puku ya Bophelo ba A tlilego go ba lopollela morago go Modimo gape. Oo, a Molaetša!

73 Mosong wa Paseka, ga se A no tsoga feela, eupša baholegi ba Gagwe ba tsogile le Yena. O . . . Ba be ba na le Kriste go bapolweng ga Gagwe. Ba be ba na le Yena tsogong ya Gagwe. Ke rena baholegi ba Gagwe, ba ba tsošitšwego ka morago ge re be re hwile ka leswiswing.

74 Lefase la go fifatšwa le go se dumele, moo dikereke le dikereke tša maina, le go ya pele, di bego di re gogetše ntle. Gomme fao go selo se sengwe ka go rena se a bitša, “Oo, re nyaka Modimo! Re swaretšwe ke tlala le go nyorelwa Modimo.” Re tšoenne Methodist, Baptist, Mapentecostal, Mapresbyterian,

le sengwe le se sengwe gape, gomme go le bjalo fao go be go sa le selo se sengwe se fošagetše, ga se ra no kgona go Le hwetša go le bjalo. Gomme ka moka ka pela, ge re be re sa phophola ka leswiswing, tsogo ye kgolo e tlile go rena ka ponagatšong ya Lentšu la Modimo le le tshepišitšwego.

<sup>75</sup> Go swana le ge, O be a le ponagatšo ya Lentšu la Modimo le le tshepišitšwego. “Nka se tlogele soulo ya Gagwe ka heleng, le gona Nka se lese mokgethwa yo Motee wa Ka a bona go bola.” O Le bonagaditše, Lentšu le lengwe le le lengwe la Modimo le le bego le tshepišitšwe ka Yena. O le netefaditše ge A tsogile ka moso wa Paseka.

<sup>76</sup> Bjale, bona bao gatee ba bego ba phopholetša ka leswiswi le go tsekella go dikologa, ge eba ba swanetše go hlatswa maoto ka letšatši *le*, goba ge eba ba swanetše go boloka letšatši le le itšego, goba go dira sete ye e itšego ya melawana, ka moka dilo tšeo di fetile go tloga. Ka gore, fao go bile tsogo ya letago yeo e ganago selo se sengwe le se sengwe sa madirwa ke motho se motho a kilego a se dira, lebaka le lengwe le le lengwe la madirwa ke motho.

<sup>77</sup> Fao ga se gwa ke gwa ba, go fihla nako yeo, motho yo a kgonnogo go bea bophelo bja gagwe fase gomme a bo tšeela godimo gape. O ganeditše netefatšo yeo ya saentshe ba bilego le yona, ka go tsoga gape.

<sup>78</sup> Ge ba bolela, gore, “Jesu Kriste ga a swane maabane, lehono, le go ya go ile,” gore, “Maatla a Gagwe ga a swane,” gore, “Ebangedi ya Gagwe ga e swane,” ge Beibele e bolela gore E a swana! Modimo o ganeditše kereke ye nngwe le ye nngwe ya leina, thutotumelo ye nngwe le ye nngwe, gomme O ile a sepelela pele ka Moya wa Gagwe wo Mokgethwa, bjalo ka ge A tshepišitše, gomme a e netefaditše go rena, gore O a phela.

<sup>79</sup> Ke rena baholwa ba tsogo ya Gagwe, ba ba phedišitšwego ka morago ga ge re be re hwile ka lefaseng, ka sebeng le dikarogong. “O re phedišitše mmogo le Yena, o re tsošitše le Yena, bjale re dutše ka mafelong a Legodimong ka go Kriste Jesu.” Go tliša ga Gagwe . . .

<sup>80</sup> Moya wa Gagwe o tliša Bophelo bja Gagwe bjo bo swanago gape lefaseng. “Ge Moya wa Modimo, wo o tsošeditšego Kriste godimo,” mmele, mmele wo o tloiditšwego; ge Moya wa Modimo wo o tloiditwego mmele woo ka tsela yeo, ge Peu e wetše ka lefaseng, Yena ga se a no Mo tlogela a khutšitše kua. Aowa. O Mo phedišitše le go Mo tsošetša godimo. “Moya wo o swanago,” ka mediro ye e swanago, ka Maatla a a swanago, ka maswao a a swanago, “o le ka go lena, le lena O tla le tsošetša godimo.”

<sup>81</sup> Ke rata go le balela Lengwalo le lennyane mo. Ke rata gore le bule Lengwalo le lengwe ke nago nalo le ngwadilwe fase mo. Le ka no le thuša gannyane. Le hwetšwa ka go Puku ya Lefitiko, ya 23 tema, ya 9 go fihla ya 11 temana. Theetšang sekgauswi.

Ka molaong, molao wa Lefitiko, Modimo o bolela le Moshe. Theetšang. Ka moka dilo tše ke diswantšho bjale, gomme re tla ema mo dinakwana di se kae go tšena ka go seswantšho se.

*Gomme MORENA o boletše go Moshe, a re,*

*Bolela go bana ba Israele, gomme o re go bona, Ge le. . . etla ka nageng ye Ke e fago go lena, . . .*

<sup>82</sup> “Go ya ka lefelong, leemo, le Ke le filego lona. Bjale bolela le bana ba Israele, gore ge le fihla lefelong le le itšego le leo Ke le tshepišitšego gore Ke tla le tšea, ge le fihla kua ka nageng ye.” Bjale go bolela ka tlhago mo, go swantšha semoya.

*. . . gomme le tla buna puno ya yona (le amogetše se ke le boditšego ka yona), ka gona le tla tliša šerefe ya dithakangwaga tša puno go moprista:*

*Gomme o tla šišinya šerefe pele ga MORENA, gore e amogellwe wena: ka moso wa ka morago ga sabatha moprista o tla e šišinya.*

<sup>83</sup> Ge fao go ka ba tirelo ye e itšego ye kgethwa, e swanetše go tla pele ka letšatši la sabatha, e bego e le letšatši la bošupa la beke, e lego Mokibelo. Eupša a le etše hloko, ka go segopotše se, go e šišinya ka letšatši la pele la beke?

<sup>84</sup> “Šerefe, e bego e le ya pele ya peu ya gago ye o e bjetšego, ge e etla godimo gomme e butšwa, o ripa šerefe ye gomme o e tšea go ya go moprista. Gomme mo dire gore a e tšee gomme a e šišinye pele ga Morena, bakeng sa go amogelwa ga gago, gore o amogetšwe. O tlile le šerefe ya gago, gomme o swanetše go e šišinya pele ga Morena, ka la . . .”

<sup>85</sup> E sego ka sabatha, letšatši la bošupa; eupša ka letšatši la pele, le re le bitšago Sontaga, S-o-n-t-a-g-a.

<sup>86</sup> Nnete, leo ke—ke lentšu la Seroma, leo ba le bitšago letšatši la modimo wa letšatši. Eupša ka fao le fetotšwego!

<sup>87</sup> Ga e sa le l-e-t-š-a-t-š-i gape. Ke S-o-n-t-a-g-a, ke letšatši la Morwa, gore lebele lela la Korong (wa Modimo yo Motee wa mathomo godimo go tšwa bahung) o swanetše go šišinywa godimo ga phuthego, gore re Peu ya Gagwe; gomme yeo ke mathomo a Peu ya bao ba robetšego, e šišinywa godimo ka letšatši la pele la beke. Ka Sontaga, O tsogetše godimo. A šišinya šalang gabotse, gomme a rotogela godimo ka Godimo, ka bogoneng bja batho.

<sup>88</sup> Elang hloko, E be e le lebele la mathomo la Korong ya Modimo le la go tsošwa go tšwa bahung, lebele la mathomo la Korong ya Modimo. Ka Maatla a Modimo a go phediša, Modimo o phedišitše bophelo bja Gagwe, O mo tsošeditše godimo go tšwa bahung, gomme O be a le Thakangwaga ya bao ba robetšego, Thakangwaga. O be a le Šerefe yeo.

<sup>89</sup> Ke ka baka leo ba ilego ba swanelwa ke go šišinywa šerefe, ka gore e be e le ye tee ya mathomo ye e tlilego go butšwa. Gomme e ile ya šišinywa bjalo ka segopotšo sa go fa ditebogo go Modimo, go dumela gore tšohle tša tšona di tla tla. E be e le leswao.

<sup>90</sup> Gomme, lehono, ka gore O bile wa mathomo Morwa wa Modimo go tla go butšweng mo go tletšego, go ba ka go Modimo, O ile a fulwa godimo go tšwa lefaseng gomme a šišinywa bokagodimo ga batho. Oo, a thuto ya letago! Ka Maatla a go phediša, wa mathomo yo Motee! Le ge, Yena a—Yena a swantšhitšwe, gomme dinako tše ntši, bjalo ka ge re tla bona mororago, gore O be a swantšhitšwe. Eupša ye ka nnete e be e le Thakangwaga ya bona ba ba robetšego. O ile a šišinywa bokagodimo bja Peu ye e bilego le tshepišo ya Bophelo.

<sup>91</sup> O šišintšwe ka Letšatši la Pentecost, “ge fao go e tla modumo go tšwa Legodimong bjalo ka ya go šišinya, phefo ye maatla ye e kitimago,” gomme a šišinywa bokagodimo ga batho, batho ba peneteostal ba ba bego ba le godimo ka go Pentecost, ba letetše Tšhegofatšo go tla.

<sup>92</sup> Gomme go šišinywa gape, re a lemoga, ka letšatšing la mafelelo, go ya ka Luka 17:30, ka go letšatši la Morwa gape, “ka letšatši leo M-o-r-w-a motho a tla utollwago,” goba go šišinywa gape bokagodimo ga batho.

<sup>93</sup> Bjale, Morwa motho ke Mang? “Mathomong go be go le Lentšu, gomme Lentšu o be a le go Modimo, gomme Lentšu e be e le Modimo. Gomme Lentšu la dirwa nama, gomme la dula magareng ga rena.” Gomme ge ka moka thuto ye re nago le yona, le tlišetšo ya Lentšu la Modimo; ka Lentšu la Modimo, ka maswao, ka dimaka, tše re di bonago lehono, gore ka Pukung ya—ya Luka ya mo, ye re sa tšwang go tsopola go yona, goba ya—ya Luka 17 tema gomme ya 30 temana; le Maleaki 4, le Mangwalo a go fapana ao re tlwaelanego le wona, a gore Lentšu leo gape le šišintšwe bokagodimo ga batho, gore ditšo tša go hwa tša motho di hwile, gomme Morwa wa Modimo o a phela gape ka kolobetšo ya Moya wo Mokgethwa thwi magareng ga rena, gomme o re fa Bophelo.

<sup>94</sup> Bjalo ka ge Kriste a bile wa mathomo yo Motee go tsoga, go tšwa go baporofeta ka moka, le go ya pele; le ge a swantšhitšwe ka mafelong a mantši, O be a le Thakangwaga ya bao ba robetšego. Ka go Monyalwa, go tla ga Kriste, go tšwela ka ntle ga kereke, fao go swanetše go ba Šerefe ye e šišinywago gape ka matšatšing a mafelelo. Oo, nna!

<sup>95</sup> Go šišinywa ga šerefe! Šerefe e be e le eng? Ya mathomo ye tee e tlilego go butšwa, ye tee ya mathomo ye e netefaditšego gore e be e le korong, ye e netefaditšego gore e be e le šerefe.

<sup>96</sup> Halleluya! Ke na le nnete le bona se ke bolelago ka sona. E be e šišinywa bokagodimo ga batho. Gomme nako ya mathomo fao go tla tla pele, bakeng sa lebaka la Monyalwa, bakeng sa tsogo

go tšwa go leswiswi la bokereki bja maina, e tla ba Molaetša, gore go butšwa ga go tlala ga Lentšu go boetše morago gape ka kerekeng ka Maatleng a Wona a go tlala, gomme o šišinywa bokagodimo ga batho, ka maswao a go swana le dimaka tše A di dirilego morago kua.

<sup>97</sup> “Ka gore Ke a phela, le tla phela le lena,” o bolela le Mosadi wa Gagwe. “Ka gore Ke a phela, le tla phela le lena.” A tsogo ye yela e bilego yona! Gomme a tsogo ye ye e lego yona, go phedišwa go tšwa bahung, “go dirwa go phela ka go Kriste Jesu,” ka Maatla a Modimo a go phediša.

<sup>98</sup> O šišintšwe go bona. Lentšu, le A bego a le lona, le šišintšwe morago go bona ka Letšatši la Pentecost, Lentšu la dirwa go bonala. Bjale, gomme ke re, Le swanetše go šišinywa gape ka letšatšing la mafelelo. Bjale, mohlala . . .

<sup>99</sup> Le re, “Go lokile, bjale, ema motsotso, Ngwanešu Branham. Ke tseba kereke yeo . . .” Go lokile, ke a dira, le nna. Le a bona?

<sup>100</sup> Eupša bjale, mohlala, go ka reng ge—ge re be re eya go ya morago Tucson ka morago ga sekgalela se, bjale, gomme yo mongwe le yo mongwe wa rena a be a na le . . . a be a eya go ya ka ye—ye kgolo Cadillac, ye mpshampsha? Gomme ka moka ditulo di be di dirilwe go tšwa go—go letlalo la tshepetshadi, le boletaleta kudu la letlalo, le boleta le bonolo go dula ka go lona; gomme dikokwane tša lebatso e be e le mabaibai; gomme seterebelo e le mapolata a nikele gomme e na le dikonope tša taamane ka moka godimo ga yona; gomme entšene e be e lekilwe ke bomakhanekhe go ba entšene ya maleba tlwa; gomme mabile a be a le . . . ka moka a na le dipering le go kiriswa godimo; gomme dithaere di šereditšwe gore di se thubuge le go lokologa go thunyeng; gomme ka moka di lekilwe ka mokgwa wa saentshe.

<sup>101</sup> Ka moka di kgorameditšwe go tloga mothalong wa go kgomaganya, tšona mmogo, gomme tšona mmogo di tladitšwe petrole. Ao ke maatla a go kitima, petrole, ka gore ka go yona go okotheine. Eupša ge le eya go di dumiša, le ge tšona mmogo di lebega go no swana, eupša fao go e tee ya tšona ga e na le tlhase, maatla a a itšego a mollo.

<sup>102</sup> “Go lokile,” o re, “maatla a ka gare ga petrole, Ngwanešu Branham.” Eupša ga ke kgathale gore go maatla a makae ka gare ga petrole; ntle le ge fao go na le tlhase fao go bonagatša maatla ao, ntle le ge fao go le maatla fao go tiiša gore yeo e be le petrole, eka no ba meetse. Go fihla . . .

<sup>103</sup> Ga go kgathale gore baithutamodimo ba tleleima ga kaakang, o beile kereke ya gago gabotse gakaakang, o na le thuto ye ntši gakaakang, ke mo gokae go swanago le Beibele; go fihla ge yeo e šišinya Šerefe, go fihla ge Moya wo Mokgethwa o etla godimo ga motho yoo go phediša Lentšu leo! Petrole e emela Lentšu. Ke Therešo; eupša, ntle le Moya, E ka se šuthe.



104 Re beile kgatelelo ye ntši kudu go Metšhene gomme e sego selo godimo ga Sekgontšha tshepelo. E nyaka Maatla a sekgontšha tshepelo a Modimo, Maatla a tsogo a Jesu Kriste godimo ga Kereke, go bonagatša le go tliša go phethega gore Ye ke petrole. E ka ba ka kotikoting ya petrole; e ka no ba e sa le meetse, le a bona. Eupša netefatšo ya yona e nnoši, ke, bea Bophelo bjo godimo ga yona, gomme E tla netefatša ge eba ke petrole goba aowa.

105 Gomme ge o leka go bea Moya wo Mokgethwa ka kerekeng ya leina, o no ba bontši o leka . . . O tla hwetša methuthupo ye mekopana; o tla senya entšene ya gago, ka go e dira gore e tlale khapone.

106 Eupša, oo, ke thabile kudu gore fao go na le okotheine ya Maatla a dikete tše lesome, Lentšu la Modimo le Moya wo Mokgethwa go E gotetša godimo, le go tsoša Maatla a Modimo ka go bophelo bja monna, goba ka go bophelo bja mosadi, goba ka go kereke. Seo se kgoromeleditše Cadillac go theoga tsela kua, ka tlase Maatla a sekgontšha tshepelo a Moya wo Mokgethwa ao a tlilego morago gomme a šišinywa bokagodimo ga batho ka Letšatši la Pentecost, go Mo dira wa go swana maabane, lehono, le go ya go ile.

107 Fao go bile Šerefe ya mathomo e etla godimo go tšwa go ka moka baporofeta, e bego e le Morwa wa Modimo, Kgoši ya baporofeta ka moka.

108 Fao go bile dikereke, dikereke, banyalwa, banyalwa, dikereke, banyalwa, banyalwa.

109 Eupša fao go swanetše go tla yo Motee! Haleluya! Fao go swanetše go tla Monyalwa wa nnete! Fao go swanetše go tla yo Motee yo a se nago le Metšhene feela, eupša Dikgontšha tshepelo go Wona, go dira Kereke yela gore e phele, e sepele ka Maatla a tsogo ya Gagwe. Go fihla ge re etla lefelong lela, go fihla re hwetša lefelo lela, ke botse bofe e bo dirago go pholetšha sedikološa lebile? Ke botse bofe e bo dira go e hlabolla sefahlego goba go dira mošomo wa kgale, ge fao go se Dikgontšha tshepelo ka go wona? Ga go kgathale gore Metšhene e netefatša ga kae gore e lokile, fao go swanetše go ba Dikgontšha tshepelo go E dira e šome.

110 Seo ke se A se netefaditšego! Haleluya! Seo ke se Paseka e se netefaditšego. O be a se feela Lentšu, eupša O be a le Modimo ka Boyena, Dithuša tshepelo, ka go Lentšu. Leo le dirile mmele wa Jesu Kriste (wa go tonya, wa go thatafala, le go hwa, ka lebitleng) go šišinyegela ka Bophelong le go tsoga gape, le go pshikološe go tloša leswika. “Ke nna Yo a bego a hwile,” go hwa go fihla letšatši le boletše gore O be a hwile, ngwedi o boletše gore O be a hwile, dinaledi di boletše gore O be a hwile. Ka moka tlhago e boletše gore O be a hwile. Gomme bjale lefase lohle le swanetše

go lemoga gore O phela gape. O be a se feela Metšhene, Lentšu la Modimo, O be a le Dikgontšha tshepelo go Le netefatša.

<sup>111</sup> Gomme ge Yena, e le Monyadi, Monyalwa o swanetše go tla pele, ka gore Ke karolo ya Gagwe. Gomme E ka kgona feela go ba ponagatšo ya go phethagatša ka moka dikutollo ba bangwe gape ba di boletšego tša Monyalwa; E ka kgona feela go bonagatša. Ge e dira selo se sengwe go fapana go tloga go Monyadi, ga se Monyalwa. Ka gore, Ke nama ya nama ya Gagwe, lerapo la lerapo a Gagwe; Bophelo bja Bophelo bja Gagwe, Maatla a Maatla a Gagwe! Ke Yena! Bjalo ka ge monna le mosadi e le batee, gomme mosadi a tšerwe go tšwa lehlakoreng la gagwe; O tšere Moya, Moya wa bosadi, go tšwa go Yena. Nama go tšwa lehlakoreng la Gagwe, e dirile mmogo Metšhene le Dikgontšha tshepelo, Mosadi. Moya wa Gagwe le nama ya Gagwe, le go e bea mmogo, gomme e dirile Metšhene le Dikgontšha tshepelo. Go fihla ge kereke goba batho . . .

<sup>112</sup> Ka moka mebutlana ye ya Paseka, le meletlo, le dikereke tše kgolo, le diroko tša pontšho, di tla feila le go feta go tloga.

<sup>113</sup> Go fihla ge Kereke yela e eba mmogo Dikgontšha tshepelo le Metšhene; le Moya wa Modimo, wo o Mo sepedišitšego, go dira dilo tše A di dirilego! Ge A itia go diselintere tše lesometshela, ka fao le Monyalwa o tla dira. Amene! Ka gore O rile, ka go Johane 14:12, “Yo a dumelago go Nna, mediro ye Ke e dirago o tla e dira le yena. Ke tla mo fa tšhetšo ya Dikgontšha tshepelo tša Ka, ka go Metšhene ya gagwe, yeo lefase le ka se kgonego go ema kgahlanong le yona; gomme Ke tla mo tsošetša godimo gape ka letšatši la mafelelo.” Woo ke Molaetša wa Paseka, Dikgontšha tshepelo le Metšhene, mmogo! Metšhene ntle le Dikgontšha tshepelo, ga gwa loka; le Dikgontšha tshepelo, ntle le Metšhene.

<sup>114</sup> O ka kgona go goeletša le go goella, le go tabogela godimo le fase, ka moka o nyakago go dira, gomme wa gana Lentšu le, e ka se dire botse bjo bo itšego. O no dikologa go rarela di—di diphisitine tša . . . O swanetše go ba le tlhase fao go dira mollo, eupša ga go petrole go dira mollo ka yona.

<sup>115</sup> E tla šoma feela ge di etla mmogo. Amene! Ka fao, e tee e tla dula e homotše, gomme ye nngwe ye Tee e tla ya godimo. Seo ke selo se nnoši se lego fao go yona. Go le bjalo, bobedi di ka no lebega go swana, bobedi di tleleime goba dikereke, bobedi di tleleime goba Monyalwa. Eupša e Tee e na le Metšhene le Dikgontšha tshepelo, E e tliša go phethega, ya se A se boletšego gore ke Therešo.

<sup>116</sup> E no se sepele, ga go kgathale gore Metšhene e lokile bjang, go fihla Dikgontšha tshepelo di etla. Ge Dikgontšha tshepelo di etla, Mollo wola o dirwa go kopana le okotheine yela ka go petrole. Gomme ge Yeo e thunya, e hlola go swa, gomme go swa mo go sepediša mosepelo wo mongwe le wo mongwe, tshepelo ye nngwe le ye nngwe, ka gore O sa swana maabane, lehono,

le go ya go ile. Yeo ke tsogo. Ao ke Maatla a nnete a Modimo, Metšhene le Dikgontšha tshepelo. Elang hloko, “Ke Moya wo o phedišago.” Ke—ke Tlhase ye e fago mollo. Ga se gase ye e fago mollo; ke Tlhase ye e fago gase mollo. Le a bona?

117 “Le ka se kgone go dira selo ntle le Nna; eupša le Nna le ka kgona go dira dilo la moka.” Bjalo ka ge A le Lentšu, Ke Tate yo a phelago. “Tate o Nthomile, ka fao Ke roma lena. Bjalo ka ge Tate a Mphile mollo gomme a Nkgoromeletša ka go se sengwe e se sengwe, Ke dira feela se se kgahlago Modimo. Bjale, bjalo ka ge A Nthomile, ka fao Ke roma lena ka Metšhene ye e swanago, gomme go tšea Dikgontšha tshepelo tše di swanago go O diriša. Gomme maswao a tla ba latela bona ba ba tleleimago go ba le Metšhene. Dikgontšha tshepelo di tla tšea lefelo la Wona.”

118 Paulo o rile, “Ebangedi e tlile go rena e sego ka Lentšu feela,” ka petrole e nnoši, “eupša le ka Tlhase gape,” go E dira e sepele. Lena le fao. E tlile go rena ka mokgwa woo.

119 Ke Moya wo o swanago, wo o Mo tsošeditšego godimo, wo o phedišeditšego modumedi wa therešo Bophelong bjo Bosafelego. Bjale elelwang, ka go kgonega. . . Bjale hlokomelang, ge re eya ka ntle ga nako ya rena. Elang hloko, “Moya wo o swanago,” bjale, Baroma 8:1. Bjale a re nong go bala yeo gape, ka go Baroma 8:1, gomme re tla bona se yeo e se bolelago. Ka moka gabotse. Gomme e sego Baroma. . . Ke ra, 8:11, ke kgopela tshwarelo.

120 Ka go Baroma 8:11, “Eupša ge. . .” Fao go bothata. Fao go go swara ga Gagwe.

*Eupša ge Moya wa gagwe (Modimo, Moya wo Mokgethwa,) wo o tsošeditšego Jesu godimo go tšwa bahung o dula ka go le, . . .*

121 Bjale, lena le fao, “Ge Moya wa Monyadi o dula ka go Monyalwa!”

122 Ge Modimo a dirile monyadi wa Gagwe wa mathomo, O dirile monyadi la mathomo, gomme o be a le bobedi monna le mosadi, moyeng; a mo dirile ka lerole la lefase, go mo dira sa go swarega. Gomme elang hloko ge A be a dira Efa, go tšwa go Adama, Ga se a tšea seripa se sengwe sa letsopa, O tšere go tšwa go seripa se se swanago sa letsopa; Lentšu le le swanago, ka gore Adama e be e le Lentšu le le boletšwego. Le a bona? O tšere go tšwa go yena, gomme ka gona o tšere. . . O be a na le moya wa bonna le bosadi. Gomme O tšere moya wa bosadi go tloga go Adama, gomme a o bea godimo ga Efa; ka fao e sa le karolo ya moya wa Adama, ke nama ya Adama. Ka gona, e be e le moya wa Adama, sekgontšha tshepelo, seo sa go phediša metšhene ya mmele wa gagwe.

123 Ka fao Monyalwa le yena o swanetše go ba nama ya nama ya Gagwe, le lerapo la lerapo la Gagwe. Ka gona nama ye ya go hwa e ya go ba bjang nama ya Gagwe? Re tla tla go yona mo motsotsong, le a bona. E dirwa bjang? Bjang? Phetogo ye kgolo ye ke eng? Elang hloko.

*Bjale ge Moya wa gagwe (Modimo) wo o tsošeditšego Jesu godimo go tšwa bahung o dula ka go lena, yena yo a tsošeditšego Kriste godimo go tšwa bahung le yena o tla phediša mebele ya lena ya go hwa ka Moya wa gagwe wo o dulago ka go lena.*

124 Oo, nna! Yo Motee yo a kgethetšwegopele, ka nnete, go swana le Peu ye e bego e robetše godimo ga lefase, ye Tee yeo e bego e na le Bophelo ka go tšona. Tše ntši tša tšona di be di hwile; e be e no ba peu ye e bodilego; meetse le dilo a di tšhumile ntle. Eupša, le a tseba, fao go be go le Peu e robetše kua e loketše Bophelo. Modimo o tsebile gore E be e robetše kua.

125 Bjale, ba Batee ba ba kgethetšwegopele ke ba mathomo ba go phedišwa ke Moya wo Mokgethwa, ka gore Moya wo Mokgethwa o tlela go tleleima ba Wona Mong. Bjale, se se tibile bjale, gomme ebang le nnete go swara se gabotse.

126 Bjale, bjalo ka ge letšatši le rometše go kgabaganya lefase, e sego go tliša matlapa, e lego tšhila le wona, bophelong, e be e se go tliša ka moka tšhila go bophelo, eupša e be e le go tliša karolo ya tšhila ye e bego e tswalletšwe go dikologa bophelo.

127 Ga se batho ka moka ba ba tla amogelago Kriste. Oo, aowa. Eupša bao Modimo a ba beetšegopele Bophelo, ba beilwe ka ntlong tikologong ya ye nngwe ya tšhila ya lefase, bao ke yo Motee A tlilego go mo tsoša. Ke Batee.

128 Yeo, bjale, tšhila yeo e tla robala kua ka letšatšing, gomme ya re, “Oo, letšatši le la kgale le fiša kudu!” Letlapa lela, le re, “Letšatši le la kgale lefiša kudu!” Eupša peu ye nnyane yela, e rile, “Leo ke le ke le lebeletšego,” gomme e thoma go tshelela pele bophelong. Le phedišitše karolo yela ya tšhila. Ka gore, letšatši le be le rometšwe e sego go phediša letlapa, e sego go phediša tšhila, eupša go phediša bophelo bja peu.

129 Bjale, Moya wo Mokgethwa o a tla bjale. Ka nnete, O be o se wa romelwa . . . Ka baka la eng batho ka moka ba sa O amogele? O be o se wa romelwa go bona.

130 Mothaka o mpoeditše, “Ga ke dumele. Ga ke tshwenyeye gore o reng. Ge o ka kgona go tsošetša bahu godimo, goba eng kapa eng, le go fodiša balwetši; le go O netefatša, ka tselo ye nngwe le ye nngwe; ke no fele ke sa O dumele.”

131 Ka re, “Nnete aowa. O mosedumele. Ga o re selo go wena. O be ebile o se wa romelwa go wena. O rometšwe go bao ba tla dumelago.”

132 Molaetša ke wa modumedi. Go ba ba senyegago, Ke bošilo; eupša go bona ba ba lego ka go Kriste, le karolo ya Peu yeo, Ke Bophelo.

133 Setori sa ka se sennyane se se sego sa hlothwa ka molemi a bea lee ka fase, goba lee la ntšhu fase ga kgogotshadi. Le a bona? Ntšhu ye nnyane e be, ka go felela, o be—o be a lebega go tlabo,

sebopiwa se sennyane. Ge molemi yo a dirile selo seo a se dirilego, go bea lee le la ntšhu ka fase ga kgogotshadi ye ya kgale. Gomme ya phaphaša ntle lentsuana la go lebega go makatša, gomme e be e le—e be e le wa go tlabā, moisa yo monnyane. O be a sa swane le bona. Mafofa a gagwe a be a sa swane le bona, gomme o—o no . . . O be a le wa go tlabā, mothaka yo monnyane. Gomme ka moka ohle mantswiana a ile a mo lemoga go ba moisa wa go tlabā. Gomme kgogotshadi e be e eya go dikologa . . .

134 O be a bile a sa nyake dijo tše a bego a mo fepa ka tšona. O be a no se rate go ngapa mola ke jarateng ya polokelo. O, o be a se na le selo go dira le seo. Ka fao o be a makala gore ka baka la eng a be a swanetše go ba wa go tlabā tikologong fao, go le bjalo. Le a bona? Gomme ga se a ke a latswa eng kapa eng yeo . . . O be a no ja go lekanela go mmoloka a phela, ka gore o be a sa rate tatso ya sona, le a bona. Ka gore, o be a se lentsuana, sa mathomo. Le a bona?

135 Gomme kgo—kgo kgogotshadi e be e kekeretša, gomme, le a tseba, “Matšatši a mehlolo a fetile. Fao ga go selo se se bjalo. Tšoenā kereke.” E be e no se itie gabotse, le mothaka yo monnyane. Ka fao o be a latela tikologo le kgogotshadi go fihla letšatši le letee mmagwe . . .

136 Ntšhu ya kgale e be e tseba gore o beile mae a makae ka bontši, gomme fao go be go le letee le le timetšego. O be a tseba gore ntšhu yeo e be e le felotsoko, ka fao o nthoma ntle go mo tsoma. Gomme a dikologa bogodimo bja ntlhora ya thaba, le tlase ka meeding, le bogodimo le mogohle mo a bago a ka ba gona. Ka nako ye, o, ke nako ya gagwe go tswalwa. Ke nako ya gagwe go phaphašetšwe ntle. A re, “Mohlomongwe mogogobane o tlile ka gare gomme wa topa lee la ka; mohlomongwe nong. Ga ke tsebe. Selo se sengwe se topile lee la ka. Eupša ke a tseba . . . Lee le ka monaganong wa ka. Ke na le morwa felotsoko. Ke ya go mo tsoma.”

137 Ka fao Modimo o a dira. Ke Ntšhu ye Kgolo yela. Ka megopolong ya Gagwe O tsebile gore O tla ba le Kereke. O tsebile gore O be a tla ba le batho. Ga go tshwenye gore ke eng e ba kgokago, ga go tshwenye gore ba phaphašetšwe go tšwa ka fase ga eng, O a tsoma. O tsoma ba Gagwe Mong.

138 Gomme letšatši le letee, setori se a ya, ntšhu ye ya kgale e ile ya fofa bokagodimo ga jarata ya ntlo ya bobolokelo. O be a lebelela mo gohle, gomme a mo hwetša. Oo, bakeng sa tsogo yeo, go lemoga gore ka nnete o be a se lentsuana, ka morago ga ka moka. O be a le ntšhu! Gomme ka mehla o be a rutilwe go lebelela fase, go lebelela thokga goba selo se sengwe ka jarateng ya ntlo ya bobolokelo. Eupša o ile a kwa kgoeletšo, yeo e rilego, “Lebelela godimo ka tsela *ye!*” Gomme o ile a lebelela bogodimo ga gagwe, gomme fao go be go le sebopiwa ka diphego tša dikgato tše lesomenne, ye maatlamaatla go feta ka moka dikgogo tše di

bego di le ka fao jarateng ya ntlo ya bobolokelo, gomme di bego di mo tleleima go ba morwa wa gagwe.

O rile, “Mama, nka kgona bjang go tla go wena?”

<sup>139</sup> O rile, “E no taboga, thoma go pokapokiša diphego tša gago, ka gore o ntšhu.”

<sup>140</sup> Le a bona, o tsebile gore o be a na le morwa felotsoko. Ga go kgathale se a godišeditšwego ka go sona, o na le morwa felotsoko.

<sup>141</sup> Gomme Modimo o a tseba! Haleluya! O na le ya go kgethelwapele, ya go beelwapele Kereke! O tsebile gore O be a na le barwa le barwedi, le Monyalwa, o letile felotsoko; ge Moya wo Mokgethwa o thoma go fofa bogodimo bja yona, go šišinya mola ga Serefe. Oo, nna! O a swana maabane, lehono le go ya go ile. E sego setori sa nonwane, eupša nnete!

<sup>142</sup> Ga go kgathale gore ke ba bakae ba lekilego go mmoṡša, “ntšhu,” o be a sa tsebe se ntšhu e bego e le sona. Go le bjalo, o be ale ntšhu. O be a sa e kwešiše go fihla a bone selo se sengwe se se bego se swana le yena, seo a bego a se bonagatša, ke ra gore.

<sup>143</sup> Gomme ge re bona, e sego kereke ya leina, e sego Ph.D., e sego LL.D., e sego moagišani wa go loka; eupša morwa wa Modimo a kgoloketšwego ka seswantšho sa Modimo, ka Maatla a Modimo a sekgontšha tshepelo go araba kgopelo ya letšatši le, gore O a swana maabane, lehono, le go ya go ile, fao ga go kgogotshadi ye e yago go go swara. O tsoma Mamagwe. Ke ntšhu, la mathomo. O a lemoga. Ntšhu ye ya nnete e lemoga pitšo ya Lentšu la Modimo. Ka baka la eng? Ke ntšhu. Ntšhu go ya go ntšhu! Lentšu pele ga motheo, Lentšu go ya Lentšung! Lentšu, le le kgethetšwego pele, go ya go Lentšu le le ngwaletšwego iri. O lemoga leemo la gago. O a Le tsoma.

<sup>144</sup> Wo gona, mmele wo wa lefase, o a phedišwa le go tlišwa ke Moya wo o phedišago wa Modimo go go obamela go Lentšu la Modimo.

<sup>145</sup> Ka pela. Ge a be a nyaka go tseba gore o be a ka kgona go fihla kua le yena, o be a rutilwe gore o be a ka se kgone go dira seo. “O ka se kgone go fihla godimodimo go feta ka mo o kgonago go tshela.” Ke kgogo. Le a bona?

Eupša ntšhu e rile, “Seo ga se bjalo.”

“Go lokile, lebelela mantswiana!”

<sup>146</sup> “Ga go kgathale se mantswiana a lego sona, wena o ntšhu. E no thoma go phatlalatša diphego tšeo, gomme hwetša go itšhidulla mo gonnyane ka go tšona. Thoma go sepelela godimo!”

<sup>147</sup> Lentšu go ya go Lentšu! “Mediro ye Ke e dirago le tla e dira le lena. Yo a dumelago ka go Nna, mediro ye Ke e dira o tla e dira le yena.” Le a bona? “Ka gore Ke a phela, o a phela le yena.”

“Gomme ge Moya wo o Mo tsošitšego go tšwa bahung o dula ka go wena, O phediša mmele wa gago wa go hwa.” Le a bona?

148 O dirile eng? Bjale theetšang, gore le tsebe. Gomme Paseka ye, ke nyaka gore e boleele go feta go lena go fetiša ka mo Paseka ye nngwe le ye nngwe e kilego ya dira. Le a bona? Ke nyaka gore le e bone. Re tseba se E se dirilego go Yena; eupša ke nyaka gore le se bone, e sego gore ke tla, E dirile selo se se swanago go lena. Le a bona? E dira eng? E tsoša mmele wa go hwa. Mmele wo wa go hwa wo re phelago ka go wona, E a o phediša, ka mantšu a mangwe, e o tliša Bophelong.

149 Bjale, lena bao gatee le bego le sepela go bapela ka sikara se segolo ka molomong wa lena, le se sengwe le se sengwe, goba sehlopha sa disekerete; le lena basadi bao gatee le bego le na le moriri wo mokopana, le pentilwe, le tšwelapele, le go apara dišothi, le dilo tša go swana le tšeo; ka moka gatee, Selo se sengwe se goeleditše, gomme le lebeletše fase mo gomme E be e le Lentšu. Le a bona, Le phedišitše ya lena . . . Le rile, “Ga go sa le dišothi go nna, ga go sa le bjala go nna, ga go sa le go aketša, ga go sa le go utswa, ga go sa le *se, sela*.” Le a bona? Moya wo o Mo tsošitšego go tšwa bahung, o dula ka go lena, gape o tla tliša mebele ya lena ya go hwa, lerole la lefase, ka go bušegeng. Le a bona? Ke eng yona? Go bušega go eng? Kriste. Kriste ke mang? Lentšu. E sego thutabomodimo, eupša Lentšu!

150 Ka gona le bolela, gore, “Dilo tše, oo, ke nagana gore ka moka go gabotse go basadi go apara dileka.”

151 Ge, Lentšu le rile, “Aowa.” Le a bona, O go phediša go Leo. Le a bona? O gogelwa go Lona. Le a bona, ke wena, gona. Le a ba . . . O ba karolo ya Lentšu. Le tlišitše mmele wa gago, e sego . . .

152 Go lokile, o re, “Go lokile, bjale, a ke go botše selo se sengwe. Modiša wa ka . . .” Ga ke tshwenyege gore modiša wa gago o rile eng; ke se Lentšu le se bolelago! Ge o nyaka go ba lentsuana, tšwela pele le yena. Eupša ge modiša a bolela go fapana go tšwa go Lentšu le, gona ga se mofepi wa dintšhu; uh-huh, ke mofepi wa dikgogotshadi, le a bona, e sego wa dintšhu. Le a bona? Ntšhu e ja Dijo tša ntšhu. Le a bona? Le a phediša!

153 Beibele e boletše gore ke phošo go dira seo, gomme monna le go ya pele le ka moka tše le di dirago, ka phošo. Le re, “Matšatši a mehlolo a fetile.” Beibele ye e boletše gore O a swana maabane, lehono, le go ya go ile. Ge ba re, “Seo ke go bala mogopolo. Gomme ke mohuta wa go bala monagano, go hlatha mo. Gomme ka moka dipono tše le dilo, ke lefeela,” le a bona, ke mantsuana. Ga ba tsebe gore Dijo tša ntšhu ke eng.

154 Eupša, ngwanešu, ge o ekwa kgoeletšo yeo, fao go na le Selo se sengwe ka go wena! Ke wena ntšhu, sa mathomo. Ka baka la eng? Ke wena Peu yeo, gore tsogo ya M-o-r-w-a e hlabile, le Šerefe ya go šišinyega godimo ga lefase, go go dira gore o lemoge

gore o ntšhu gomme e sego lentsuana le kereke ya leina. Le a e bona? Haha!

155 “Ge Moya o Mo tsošitšego go tšwa bahung,” Lentšu, Sekgontšha tshepelo sa Lentšu, “se dula ka go wena, gape Se phediša mmele wa gago wa go hwa.” Bjale bjang rena nama ya nama ya Gagwe le lerapo la lerapo la Gagwe? Ka gore, ka pela, ge re be re sa le badiradibe ba go hwa, ba go hwa, ba loketše go hwa, mebele ye, Le phediša mmele woo. Go *phediša* ke eng? “Go tliša Bophelong.” Moya wo gatee o bego o rata go nwa, o kitima go dikologa, o dira bootswa, le ka moka tše, o phedišitšwe; ka baka la eng, selo se hwile, gomme o tsošitšwe. O tsošitše mmele wa gago wa go hwa.

156 Ka fao, mebele ya lena ke tempele ya Dikgontšha tshepelo, ka baka la gore (ka baka la eng?) go tloga mathomong o karolo ya Metšhene. Oo! Fao go tsogo ya gago. Fao go Kereke ka go tsogo, le Yena. Mebele ye thwi bjale e tsošitšwe. Le a bona, le kwele; le a dumela. O le fetotše go tšwa go kereke ya leina go ya go Lentšu. Le a bona?

157 Dikgontšha tshepelo, ge Le etla godimo ga meetse, e tla no ba polelo; “Matšatši a mehlolo a fetile.” Phadimi-phadimi-phadimi, “Oo, ke dumela Beibele,” phadimi-phadimi-phadimi, “eupša fao—fao ga go . . .” Phadimi-phadimo-phadimi! Le a bona?

158 Eupša ge A thula sekete se setee sela sa aokotheine, “Whrrrrr!” o tloga go ya kgole, le a bona. Bjang, nna, Dikgontšha tshepelo di ratha Leo! Eupša Le ratha lentsuana, le ka se dire botse. Eupša ge Le ratha ntšhu, e sepela ka ntle. Amene! Dikgontšha tshepelo le Metšhene! Le bona se ke se rago? Seo ke gore, ge a le ntšhu ya therešo bjale, “o tla kwešiša.”

159 A ke le otlollele Lengwalo le lennyane mo. Ke nagana gore re timilwe mogaleng, eupša re sa le mo. Mokgethwa Johane 5:24, Jesu o rile, “Yo a kwago Lentšu la Ka, gomme a dumela go Yena yo a Nthomilego, o na le Bophelo bjo bosafelego.” Bjale lebelelang, ke ya go theoga seterata gomme go no tšea seo botala, Le e lego lona, ntle le kwešišo ya semoya . . . E sego go Le dira gore le bolele se sengwe gape, eupša go no bolela se Le se bolelago, le a bona, lentšu la maleba fao, ka Segerika, ka setlogong, e re, “Yo a kwešišago Lentšu la Ka.”

160 Bjale, go netefatša gore ke therešo. Ka ya tlase mo, gomme mo go tla letagwa go bapela seteratang, le mosadi wa monna yo mongwe ka matsogong a gagwe, gomme a rogana, gomme a tšea Leina la Modimo ka lefeela, le se sengwe le se sengwe gape ka mokgwa woo. “A re, a o kwele se moreri yola se boletšego? A o kwele?” “Ya, ke Le kwela!” Seo ga se re gore o na le Bophelo bjo Bosafelego. Le a bona? Le a bona?

“Yo a kwešišago Lentšu la Ka,” yo e lego ntšhu!

161 “Bjale, Ngwanešu Branham, ke nyaka Lengwalo le lentši go feta leo.”



162 Ka moka gabotse, “Dinku tša ka di kwa Lentšu la Ka. Mosetsebjje di ka se mo latele.”

163 Go swana le ka go taba ya *Lenyalo Le Tlhalo*, letšatši le lengwe. Ge Moya wo Mokgethwa o mpoditše yeo, ke tlile ka e bolela feela ka tsela ye A mpoditšego.

164 Mohumagadi yo mongwe wa modiredi a mpha la go ja le bogale, la go kgakgamollela ntle gannyane. O rile, “Ke a thanka o tšea lefelo la Modimo?”

Ka re, “Aowa, meme.”

165 A re, “Go lokile, o ba boditše gore sebe sa bona se lebaletšwe.” Ka re, “Kae?” A re, “Modimo a nnoši o na le maatla.” Le a bona, Mofarasei yo mongwe. Le a bona? . . . ? . . .

166 Ka re, “O a bona, gore o tle o tsebe, gore, Jesu o boditše Petro le baapostola, ka morago ga ge a bile le kutollo ya gore O be a le Mang.”

O Mmoditše, “Wena o Kriste, Morwa wa Modimo.”

167 O rile, “Mošegofatšwa ke wena,” le a bona, “morwa wa Jona; nama le madi ga se tša utolla Se go wena, eupša Tate wa ka Yo a lego Legodimong o E utolotše. Godimo ga letlapa le Ke tla aga Kereke ya Ka; dikgoro tša hele di ka se kgone go fenya kgahlaong le Yona. Gomme Ke go fa dinotlelo; eng kapa eng o e tlemago lefaseng, Ke tla e tlema Legodimong; se o se tlemollago lefaseng. . . .”

168 Yeo ke kutollo ye Kgethwa yela ya Lentšu le dirilwe nama. Ge Le be le le nama ka letšatšing leo ka Morwa, Monyadi, Ke nama lehono ka Monyalwa. Le a bona? “Mang le mang le tlošago dibe tša gagwe, go bona di tlošitšwe; mang le mang yo le swarago dibe tša gagwe, go bona di swerwe.”

169 Bjale, kereke ya Katoliki e topetše seo godimo ge ba se tšeela go baprista ba bona, eupša seo ke senama.

170 Hlokomelang, e be e le semoya, Lentšu le le utolotšwego le le e dirilego!

171 Ke ka baka le A ba boditšego gore ba ye go kolobetša “Leineng” la Tate, Morwa, Moya wo Mokgethwa. O tsebile gore ba be ba tseba gore O be a le Mang.

172 Ke be ke bolela le moreri yo monnyane letšatši le lengwe, o rile go nna, o rile, “Bjale, Ngwanešu Branham, ke tšwetše ka ntle gomme ka tšoenana, ke ile godimo go kereke ye e *itšego-itšego*, kereke ya Pentecostal.”

173 Fao, Pentecostal bjale e thomile go tšea senkgwana sa nthetelegwana, le a tseba. Le kwele ka seo, ke a thanka; khoša, modimo wa ngwedi, le a tseba. Gomme ka moka ba e amogetše le go e tšea. Monna yo o rile. . . Ya gagwe—ya gagwe phuthego e ile go yena; o rile, “Se ke se šegofatšago se šegofaditšwe.” Bjale, a seo ga se se moprista a se bolelago, yena “o na le maatla go se

fetolela morago go mmele wa Kriste”? Le a bona, feela tshela ye e tee le seripa sa toseine ya se sengwe, go no swana.

<sup>174</sup> Gomme o rile, “Ke nyaka go go botšiša selo se sengwe.” O be a leka go radia taba yela ya kolobetšo Leineng la Jesu, ka gore yo e be e le monna yo a rilego e be e le—e be e le molwa le kriste yo a dirilego seo. O rile, “A o nagana gore ka moka go bohlokwa gore monna a kolobetšwe Leineng la Jesu Kriste?”

Ke ile ka re, “Eye, mohlomphegi.”

<sup>175</sup> O rile, “Ka morago ga ge a kolobeditšwe leineng la ‘Tate, Morwa, le Moya wo Mokgethwa?’”

<sup>176</sup> Ke ile ka re, “Eye, mohlomphegi. Ga se a kolobetšwa, le gatee. O a bona? Ga se a kolobetšwa, le gatee; ga go Leina. Yeo ke thaetlele.” Ke ila ka re, “Ga e lemogwe.” Ke ile ka re, “Ka baka la eng—ka baka la eng Petro. . . .”

<sup>177</sup> O ile a re, “Go lokile, bjale, a ke go botše selo se sengwe.” O ile a re, “Bjale, ka go Ditiro 10:49, o rile, ‘Ge Petro a sa bolela mantšu a, Moya wo Mokgethwa wa wela godimo ga bona.’”

<sup>178</sup> “Eupša,” ke ile ka re, “o retologile thwi go dikologa gomme a re, ‘A motho a ka kgona go ganetša meetse gore ba ba se ke ba kolobetšwa?’”

<sup>179</sup> O ile a re, “Go lokile, o be o bolela godimo kua, lebakana la go feta, ka Ditiro 19, fao Paulo a fetilego go kgabola mabopo a ka godimodimo a Efeso, a hwetša bona barutiwa.” Gomme a re, “Ka baka la eng,” a re, “ba be ba se ba kolobetšwa leineng la Tate, Morwa, le Moya wo Mokgethwa.”

<sup>180</sup> Ke ile ka re, “Aowa, ba be ba kolobeditšwe ‘go ya tshokologong,’ e sego tebalelong ya dibe. ‘Go ya tshokologong,’ ka gore Jesu o be a se a be a dirwa go tsebja nako yeo. Sehlabele se be se se sa be sa be sa bolawa.”

O rile, “Go lokile, ka baka la eng ba ile ba swanelwa ke go kolobetšwa gape?”

<sup>181</sup> Ke ile ka re, “Monna yo a bego a na le dinotlelo, o boletše se, ‘Ka gore a go tsebje go lena gore fao ga go Leina le lengwe ka fase ga Legodimo le filwego magareng ga batho, leo le swanetšego go phološwa ka lona.’”

<sup>182</sup> Phološo e nnoši e ya Leineng la Jesu Kriste. “Eng kapa eng le e dirago ka lentšu goba mediro, e direng ka moka Leineng la Jesu Kriste.” Fao ga go leina le lengwe, ga go kereke, ga go tatelano ya ditulo, ga go dithaetlele, goba ga go selo gape! Go le bjalo, Ke Rosa ya Saron, Lili ya Moeding, Naledi ya Moso, Alefa, Omega, Mathomo le Mafelelo, Jehofa-jireh, -rapha, -manasseh, ka moka tše. Ke ka moka dilo tše, eupša O. . . . Fao ga go phološo ka go ye nngwe ya dithaetlele tšeo; *Jehofa*, ga go phološo; *Rosa ya Saron*, go le bjalo ke Yena, ga go phološo; *Tate, Morwa*, goba *Moya wo Mokgethwa*, ga go phološo. Feela Leina la “Jesu Kriste!” Gomme ka gona Beibele e boletše, gore, “Tshokolo le tebelelo ya sebe e

swanetše go rutwa Leineng la Gagwe, go thoma ka Jerusalema, le go ya dikarolong tša kgole tša lefase.”

O ile a re, “A o nagana gore e dira phapano ye e itšego?”

183 Ke ile ka re, “Mohlomphegi, ke nyaka go go botšiša selo se sengwe.” Yena le nna, le mosadi wa ka, re be re dutše tafoleng. O be a sa tšwa go šuthela ka kwano. A mpona, a ya . . . Ke ile ka re, “Rena bobedi re Maarizona; re dula mo. Gomme nna, gomme re tseba khantshela ya rena, le wate ya rena, le ka moka, le meyara wa rena, mmušiši, se sengwe le se sengwe.”

O ile a re, “Eye.”

184 Ke ile ka re, “Bjale, ge ke go boditše, ngwanešu, go, ‘Goya godimo mo le go saenela matena a rena godimo, leineng la Mmušiši wa State of Arizona,’ a o ka ya go a saenela ka mokgwa woo? A o nagana gore ba tla e amogela tesekeng?”

185 “Ka baka la eng,” o ile a re, “Ke a thanka ga go bjalo.” O ile a re, “Ka baka la eng Jesu a boletše seo?”

186 Ke ile ka re, “Ye ke yona, le a bona. Ka baka la eng? Ge ke go boditše gore ‘o ye o saenele matena a, leineng la Mmušiši wa State of Arizona,’ gomme rena re le badudi ba Arizona, gomme re tseba gore Mmušiši ke mang, ka baka la eng, o tla tseba go a saenela leineng la ‘Sam Goddard,’ le a bona.” Ke ile ka re, “Ka gore, ke Mmušiši wa naga. Ga ka swanela go go botšiša. Le a tseba gore Mmušiši ke mang. Gomme, ge A rile, ‘Tate, Morwa, le Moya wo Mokgethwa,’ O be a tseba gore ba be ba eya go kolobetša bjang. Ba be ba tseba gore O be a le Mang. ‘Dinku tša ka di kwa Lentšu la Ka.’ Le a bona? Le a bona?”

O ile a re, “Oo, ke a bona.”

187 Eupša bjale, selo se se latelago, a o tla dumela? Le a bona? “Yo a kwago Lentšu la Ka, gomme a dumela go Yena yo a ‘Nthomilego, o na le Bophelo bjo bosafelego.” Gomme ge Bophelo bjo Bosafelego bjo bo dula ka go wena, Ke kgonagalo.

188 Ge o amogetše Moya wo Mokgethwa wo bjale, seo ba se dirilego ka Pentecost; ba be ba le metšhene, bjale Dikgontšha tshapelodi ile tša swanelwa ke go tla. Ba be ba dumetše. Le a tseba, bagwera ba go loka ba rena ba Baptist ba a re botša, “Ge re dumela, re na le Wona.” Eupša, ba be ba se na le Wona, le ge go le bjalo ba be ba dumetše.

189 Ditiro 19, ba be ba dumetše, eupša ba be ba se na le Wona. “A le amogetše Moya wo Mokgethwa mola le dumelago?” Le a bona? Ba be ba na le Metšhene, ka moka gabotse, ka gore baapostola ba be . . . Goba, ke ra gore, Apollo o be a ba ruta le go netefatša ka Beibele, Metšhene, gore Jesu o be a le Kriste, eupša ba be ba se na le Dikgontšha tshapelodi nako yeo. Le a bona? Yeo ke yona. Ka moka gabotse.

190 [Lefelo la go se be le selo godimo ga theipi—Mor.] . . . -tšhene, ka go kgonega le na le netefaletšo, go leta.

<sup>191</sup> Bjale, ge o hwetša Dikgontšha tshepelo, o phedišitšwe go tšwa go hweng go ya go se hweng. E dira mmele wohle go tla ka tlase ga taolo ya Lentšu. Le tla go dira gore o dire go fapana, o lebelele go fapana, o phele go fapana. Le tla no go dira wa go fapana.

<sup>192</sup> Bjale lebelelang. [Lefelo la go se be le selo godimo ga theipi—Mor.]...le phedišitšwe. “Lena bao gatee le bego le hwetše sebeng le dikarong, le leswiswing, O le phedišitše.” Ka eng? “Moya wa Gagwe wo o tsošeditšego Jesu godimo,” ka moso wa Paseka, “go tšwa bahung. Gomme ge O dula ka go mebele ya lena ya go hwa,” bjale hlokomelang, “Gape O a phediša, o tliša Bophelong, go o dira o be ka fase ga taolo ya Lentšu.”

<sup>193</sup> Bjale, o ka kgona bjang go tleleima go ba le Moya woo, gomme wa itahlela ka bowena kgole go tloga go Lentšu? O phedišwa ke selo se sengwe gape. Ka gore, O tla phedišetša mebele ya lena ya go hwa go ya go Lentšu. Nnete, O tla dira.

<sup>194</sup> O ka se kgone go kitima ntle le Lona. O tla no bolela, ge o sa dumele ka moka ga Lona. Ge o na le karolo ya petrole le karolo ya meetse, ga o ye go ya felo. Le a bona? O swanetše go e tšea peresente ye lekgolo le letee, petrole. Ge o sa dire, o thunyetša morago, gomme ga o na le maatla. Le a bona? “Eupša ke—ke dumela *le*, eupša ga ke dumele *Lela*,” phadimi-phadimi-phadimi-phadimi. Ga o ye felo.

<sup>195</sup> Eupša, oo, ge o tšea botlalo! A e bonege godimo ga seo, Lentšu le lengwe le le lengwe ke Therešo!

<sup>196</sup> Ka gona elang hloko bjale, ge re tswalela, elang se hloko. Elang hloko, go no swana le ye nnyane—ye nnyane peu ye e robetšego ka mobung.

<sup>197</sup> Bjale, ka kgonego, o a tsošwa. O a tsošwa ge o amogela Moya wo Mokgethwa ka go wena. O a tsošwa thwi nako yeo. Mmele wa gago ka kgonagalo o tsošitšwe.

<sup>198</sup> Lebelelang peu ye nnyane. E bjale ka mobung. E swanetše go nwa go tšwa mathopong wa Gagwe, meetse ao a tšhologelago fase. Gomme ge e enwa, e kgoromeletša godimo go lebanya go Yena, e etla ka go fetiša go swana le lebopo la peu ye e ilego ka mobung. Le a bona?

<sup>199</sup> Kereke e tla ka tsela yeo, go kgabola tokafatšo, tlhwekišo, kolobetšo ya Moya wo Mokgethwa, bjale ka go go khukhuša. Le a bona? Moya wo Modimo o tla go kgabola seo.

<sup>200</sup> Gomme moya wa lefase o tliile ka molwalekriste, tsela ye e swanago, gomme bjale go khukhušetša ntle ka go yunione ye ya dikereke, le a bona, selo sohle.

<sup>201</sup> Gomme motho ka motho o tla ka tsela yeo. Se sengwe le se sengwe se šoma ka go swana, ka go seelo sa go swana sa Modimo, ka gore O a swana maabane, lehono, le go ya go ile. Elang hloko,

tseleng ya gago, o golela go botlalo bja tsogo, o etelletšwe pele ke Moya!

202 Ge letšatši, l-e-t-š-a-t-š-i, le goga semela se sennyane seo se nwago go tšwa go mothopo wa Modimo, se no tšwelapele. . . Le a bona, se kgona feela go nwa go tšwa go selo se setee. Ge o tšhela oli fase godimo ga peu ye nnyane yela nako e tee; e a e bolaya. Seo se gabotse. Ge o tšhela meetse magakwa, meetse a kgale ga se a loka, a tšhilafetše, a tla ditela go gola. Se ka se enywe dienywa. A yeo ke therešo? Eupša o tšhela a mabotse a boleta meetse a pula, amene, ga go khemikhale ya madirwa ke motho ka go wona, a no a dumelela a tle go tšwa magodimong godimo, gomme bogela semela se sennyane seo. Fao ga go meetse a a tla godišago seo go swana le meetse ao a pula. Ge o bea tlelorine le dilo ka go wona, go leka go re fa bokaalo ka yona, gomme, selo sa pele le a tseba, e bolaya semela.

203 Woo ke wo e lego molato lehono. Ba leka go ba fa meetse go tšwa go mothopo wa kereke ya leina, gomme a ditela go gola. Le a bona? Eupša se dumelele se be le. . .

Se tšwa mo marothi a phoka a kgaugelo a  
kganyago;  
Phadima ka moka go ntikologa letšatši le  
bošego,  
Jesu, Seetša sa lefase.

Ka gona o e hweditše, gona.

Re tla sepela Seetšeng, Seetša se sebotse sela,  
Se tšwa mo marothi a phoka a kgaugelo a  
kganyago;  
E no phadima ka moka go itokologa.

204 Tšea ye ya madirwa ke motho methopo go e tloša go nna! Ga go mothopo wo mongwe ke a tsebage; ga go selo eupša Madi a Jesu! Wo ke ka moka Mothopo ke nyakago go o tseba. A Lentšu le dule ka go nna, Morena; Le nošetša ka Moya wa Gago.

205 Elang hloko, bjale, ge Moya woo wo o tsošeditšego Jesu godimo go tšwa lebitleng, o dula ka go wena, o ka kgonago o na le Bophelo; o etellwa pele ke Moya, go phediša Lentšu go wena, go Le dumela. Selo se sennyane se tšwelapele se kgoromeletša godimo ge se gola.

206 Elang hloko, ka Pentecost, mebele ya bona e ile ya phedišetšwa go Bophelo bjo boswa. Lebelelang sehlopha sa mapšhaga a mannyane.

207 Ke le swarelela botelele kudu? [Phuthego e re, "Aowa."—Mor.] Lebelelang, ke sa tšwa go ruthela, yeo ke yona, ke ikwa gabotse. Oo, nna!

208 Elang hloko, ba be ba le mafšega. Elang hloko. Eupša, ba be ba na le Metšhene. Le a bona? Eupša ba be ka moka ba dutše morago ka kua, ba re, "Oo, ke a ba boifa. Oo, ke boifa go ya ka

ntle le go dira tlelime, ka gore, oo, ka moka bona bopišopo ba bagolo le dilo ntle kua. Oo, ke boifa go. Bona baprista le dilo, ke boifa go dira tleleime yela, ke boifa gore ke tla bolela gore ke dumela go Yena. Oo, nka se no kgona go dira seo, le a bona.”

209 Eupša, ka moka ka pela, Dikgontšha tshepelo di ile tša tla. Eye. Gomme O dirile eng? Ga wa tlatša feela moya wa bona, ka gare, eupša O phedišitše metšhene ya bona. Mebele ya bona e ile ya phedišwa. Ba be ba se sa le mapšhega gape. Ba ile thwi ntle ka sefahlegong sa batho. Eye, mohlomphegi. “Lena banna ba Judea, le lena ba le dulago ka Jerusalema!” Moo, pele Dikgontšha tshepelo di etla, ba be ba no ba metšhene. Le a bona? “Lena banna ba le dulago ka Jerusalema, a se se tsebje go lena, gomme ekwang mantšu a ka! Ba ga se ba tagwa, bjalo ka ge le nagana.”

210 Ke nna yo motee wa bona. *Se ke Sela!* Ke tla le laetša gore ke eng. Ke le Lengwalo. *Se ke Sela!* Gomme ka mehla ke fela ke re, “*Ge se e se Sela, a ke boloke se go fihla Sela se etla.*”

211 “Aowa, se ke Sela se boletšwego ke moporofeta Joele, ‘gomme go tla go phethega ka matsatšing a mafelelo, go rialo Modimo, Ke tla tšhollela ntle Moya wa Ka godimo ga nama ka moka.’” Le a bona, Dikgontšha tshepelo di tla ka go metšhene. Ba be ba sa hlwe ba boifa gape.

212 Ba bangwe ba lena batho ba boifago gore mosadi yo mongwe o tla le sega ge le na le moriri wo motelele, goba le tlogela go šomiša dibotsefatši; ba bangwe ba lena banna ba le boifago gore mokgatlo wa lena o tla le lahlela ka ntle ge o kolobetša phuthego ya gago ka kolobetšo ya Lengwalo; o nyaka go itswallela ka bowena ka kamoreng ya ka godimodimo go fihla Dikgontšha tshepelo di etla. Yeo ke therešo.

213 O ba fetotše. O ba phedišitše. O ba dirile ba go fapana. Ba be ba le batho ba ba fetogilego, go tloga nako yeo go ya pele. O ba phedišitše, go tloga go bophelo bja kgale bja go ba lefšega, go ya go swana le Tau ya leloko la Juda. Ka go felela ba ile ba lebana le bohwelatumelo, go kokotelwa sefapanong, go bapolwa hlogo e lebile fase, go tšhungwa, go lahlelwa ka legolong la ditau. Go be go sa hlwe go le bofšega, ka bona. Lehu le be le se na le phenyo godimo ga bona, le gatee. Dikgontšha tshepelo di be di le ka metšheneng. Eye, mohlomphegi. O phedišitše mmele wa bona wa go hwa.

214 Bjale theetšang. Selo se sengwe se se, go netefatša. O ba phedišitše ka tselo go fihla (le a tseba ke eng?) ba phagamišeditšwe godimo ka mafelong a Legodimong, gomme mebele ya bona e be e phedišitše go fihla leleme la bona le fetogile. O feela. . . O phedišitše leleme la bona. Seo ke se Beibele e se boletšego. Gomme, mebele ya bona ge e phedišitšwe, leleme la bona le ile la phedišwa. Megopolo ya bona e ile ya phedišwa. Meoya ya bona e ile ya phedišwa. Bophelo bja bona bo ile bja phedišwa. Ba ile ba phedišwa, ka moka mmogo! Ba lekile go

bolela, gomme ba se kgone gape go bolela ka maleme a batho. Ba be ba phedišeditšwe godimo kudu ka Bogoneng bja Modimo go fihla ba bolela ka leleme le leswa, leleme la Legodimo. Wee! A Maatla a go phediša!

215 “Ge Moya wo o tsošeditšego Jesu godimo go tšwa bahung o dula ka go wena,” oo, haleluya, “O tla phediša mmele wa gago wa go hwa.” O tla dira gore o dire dilo tše o sego wa di dira pele. Ba be ba tletše Maatla a go phediša nako yeo. Le a bona?

216 Mmele wa gago ga o sale ka fase ga taolo ya sebe gape; wena, dikganyogo tša gago.

Yena o re, “E tla godimo ntle mo!”

Wena o re, “Tswalela molomo wa gago.”

“Oo, re na le ye kgolokgolo kudu. . .”

“Tswalela molomo wa gago.” Nna, ke wena ntšhu!

217 A le kile la bona gore ntšhu ya kgale e sepela ka go ikema bjang? Ga e phurume bjalo ka lenong, le a bona, go selo se sengwe sa go hwa, le dipodiša ka moka tše di robetšego mobung. Aowa, mohlomphegi. O sepela ka boikgantšho.

“Tswalela molomo wa gago.”

“Oo, matena a mabotse šea godimo *mo*.”

218 “E sego a ka. Le a bona, dikganyogo tša ka di fetogile. Tatso ya ka e fapane. ‘Ka gore motho a ka se phele ka dipodiša tša lefase feela, eupša ka Lentšu le lengwe le le lengwe le le tšwago molomong wa Modimo.’” Ya mmapaale ye e phedišitšwego ntšhu e phela ka Leo. Amene!

219 Oo, gomme O tsošeditše Kriste godimo go tšwa lebitleng, ge a dula ka go wena, o phedišitše mmele wa gago wa go hwa go ya ka Bogoneng bja Gagwe. O a Le lemoga. Ga o sa le setopella tša go tlogelwa. Ke wena ntšhu. Ga o nyake dilo tša lefase. O morwa le morwedi wa Modimo. O keteka Mothopong wa lefase le sa tsebe go selo ka wona. O nwa Wona. Yo mongwe o a tseba. . . Lefase ga le tsebe selo ka wona. O ja Manna ao a utilwego ao lefase le sego la ke la tseba selo ka Wona, ka gore o ntšhu. O phedišitšwe godimo mo a ka kgonago go fihla go Wona. O ka se kgone go fihla go Wona fase *mo*, o swanetše go ya godimo *mo*. O swanetše go phedišwa, o phagamišetšwe godimo kua, ka fao O tla phediša.

220 Ba dirile eng? Ba ile ba bolela ka leleme le lengwe. Beibele e boletše gore ba dirile. “Ba boletše ka leleme le lengwe le le lengwe ka tlase ga Legodimo.”

221 A o ka kgona go eleletša seo, yona mebele ya kgale ya go hwa yeo e lego kua, e re, “Go lokile, ga ke tsebe bjale ge eba nka kgona go dumela se goba aowa?”

222 Ka moka gatee, ba be ba phedišitšwe go fihla bogale bja Tau ya leloko la Juda bo wela ka go bona, godimo ga Šerefe yela ya go

šišinyega. Oo, Ntšhu yela e tla go bitša ba Yona Mong! “Gomme ga se bake ba rata maphelo a bona go iša lehung.” Amene.

Gomme fao go ya go ba ba bantši ba ba tlogo  
go neela madi a bophelo bja bona

Ke ka baka la Ebangedi ye ya Moya wo  
Mokgethwa le lefula la Yona le hubedu.

223 Gomme Morwa o be a swanetše go—go utollwa gape, ka go Monyalwa ka letšatšing la mafelelo; Maatla a go phediša a swanetše go tla, a ba phedišetša ka ntle ga dikereke tše tša maina tša go hwa le dithutotumelo, go ya go Lentšu la go phela la Modimo wa go phela. Oo!

224 Aowa, A ba phedišetša go Bophelo bjo boswa. A dira selo se se swanago go rena bjale. Elang hloko, gona, ba phedišitšwe kudu ka Maatleng a le! Bjale ke . . .

Theetšang sekgauswi bjale. Ke leka go le laetša.

225 Maatla a go phediša a be a se feela ka soulong ya bona, eupša A be a le ka moka godimo ga bona. A . . . Dikgontšha tshepelo ga se tša no tla ka gare, go phediša, eupša A phedišitše metšhene. Le bona se ke se rago? Ba ile ba phedišwa kudu go fihla maleme a bona a thoma go bolela ka leleme le lengwe. Ba be ba phedišetšwe kudu ke Maatla a tsogo ya Kriste, go fihla ba beile diatla tša bona . . . Ba be ba phedišitšwe kudu ke Maatla a go phediša, go fihla, ge ba beile diatla tša bona godimo ga balwetši, ba ba gabotse. “A phedišitše mmele wa gago wa go hwa.” Ba ile ba fodišwa, ka go bea diatla tša bona godimo.

226 Gomme Moya o phedišitše kopanelo mmogo ya bona le Modimo, go fihla le bona ba phedišitšwe kudu go ya ka Bogoneng bja Modimo go fihla, ge motho a hwile gomme soulo ya bona e tlogile, O mmiletša morago bophelong gape. Amene! Letago! Bjale ke ikwela bodumedi.

227 Yeo ke therešo, go phedišwa! E sego feela gore e be e le tsogo ya Gagwe Yenamong, eupša ya mang le mang a ratago, go Peu ye e kgethetšwego pele ye e robetšego kua. Go phediša, go phediša mmele wo o hwago!

228 Ba beile diatla godimo ga balwetši; ba fola. Ba ile ba rapela; ka Moyeng ba bona pono, ba biletša bahu morago bophelong. Yeo ke therešo. “Go phediša mmele wa bona wa go hwa.”

229 Ge O etla ka go wena; ge o le bjalo . . . Bjale, o ka kgona go bolela gore go bjalo; eupša ge go le bjalo, maswao a a latela seo, le a bona. “O phediša mmele wa gago wa go hwa.” O a go phediša.

230 Bjale, elang hloko, go phediša ka Bogoneng bja Modimo. Ka baka la eng? E be e le Moya wa Modimo wo o tsošeditšego Jesu godimo go tšwa lebitleng. Gomme, Moya wa Modimo, “Ke fa go bona Bophelo bjo Bosafelego,” go tšwa go lentšu la Segerika, ge o le lebelela godimo, *Zoe*, wo O bo sepedišago ka wena gomme ka gona wa phediša (ya bona) le menagano ya bona.



231 Bjale lebelelang. O ka bolela bjang gore Moya o dula ka go wena? Le ge o dirile se sengwe le se sengwe seo o bego o gopola gore se be se nepagetše, bohlatse bja gago šebo ge eba o na le Wona goba aowa. Ge Moya wo o bego o le ka go Kriste o le ka go wena, gape O go phediša go Lentšu, ka gore Yena ke Lentšu. Gomme ge o, ka go fapana, o go phediša kgole go tloga go Lentšu, gona ga se Moya wa Kriste! . . . ga ke tshwenyega gore o dirile eng, go fihla Woo o go sepedišetša ka Lentšung. “Dinku tša Ka di kwa Lentšu la Ka, gomme di tla phela ka Lentšu le lengwe le le lengwe,” Lentšu le lengwe le le lengwe! Ke be ke bolela ka seo letšatši le lengwe.

232 Mme wa ka mong, o ile pele bjale, gomme o be a le mosadi wa go se kwešišege. Gomme o be a le, le a tseba, e ka ba seripa sa Moindia, gomme o be a sa kwešišege. Eupša ka kua o be a le motho yo a bego a sa lore. Eupša ga ke nagane. . . O be a na le feela ditoro tše nne goba tše tlhano, bophelo bja gagwe ka moka. Eupša nako ye nngwe le ye nngwe ge a be a lora toro, e be e le therešo. Ge a bile le toro, e be e le therešo.

233 Ke a elelwa nako ye tee ge la mathomo ke thoma go rera, mengwaga ye mentši ya go feta. Re be re dula godimo thwi godimo mo godimo ga tsela, thwi bokagodimo feela mo. Ke be ke rera thwi mo ka kerekeng ye. Gomme o ile a lora toro, gore ke be ke eme mo ka lehlakoreng la magato a mararo. Gomme ke be ke eme, ke rerela yo mongwe le yo mongwe, gore ba swanetše go sepela godimo ga magato a mararo a pele ba ka thula tsela ya lephefo. Gomme godimo ga tsela ya lephefo go be go le sa mothalo wo monnyane wo mošweu wa go swana le perela, o kitimela thwi ka go—go—go mejako ya Legodimo, go ya go kgoro ya perela. Gomme perela yeo e be e otlogetše ntle go ya ntlhoreng ya magato a. Ge wo e se Molaetša wa ka tlwa lehono; tokafatšo, tlhwekišo, kolobetšo ya Moya wo Mokgethwa! Gomme ke be ke bolela gore motho o swanetše go tla ka magato a mararo, go kgona go sepela tsela yela ya lephefo. Gomme a bolela gore. . .

234 Fao go bile mohumagadi yo a tlilego go feta. Bjale, le tseba gore ke mohuta mang wa dieta batho ba bego ba di aporo mengwaga ye masometharotlhano ya go feta. Fao go bile mohumagadi a etla go feta, a rwele para ye kgolokgolo go swana le ka fao ba di aparago lehono, dieta tša direthe tša metomelwana. Gomme a tla go feta. Gomme ke ile ka re, “Ema motsotso, kgaetšedi. O ka se kgone go sepela tsela yela ya lephefo ka tšeo.” Gomme ke ile ka re, “O—o, o ka se kgone go dira seo.”

235 Gomme o ile a re, “Aha!” O rile, o ile a lebelela go dikologa go bohle basadi, ba rile, “O se ke wa mo dumela. Ke monna wa segafa. Le a bona? O se ke wa mo dumela. Ke tla le laetša gore nka kgona go lokafatšwa, go hlwekišwa, le go tlatšwa ka Moya wo Mokgethwa, gomme ka no kgona go sepela yeo.” Gomme a . . . Ke ile ka no mo lesa a tloga. Ka se kgone go dira go feta ka yona, ga

se ka kgona go mo emiša. Gomme a tabogela godimo ga tsela ya lephefo. Gomme a lebelela morago go kgaetšedi, a re, “O a bona, ke go boditše!” A thoma go kitimela godimo, gomme a . . .

<sup>236</sup> Le a tseba, bjalo ka ge Beibele e boletše, ka go Jesaya, ya 5 tema, gore ba tla ba le “melala ya go otlogogela ntle.” Ba swanetše; ba phagamšeditšwe godimo, le a bona. “Ba tsatsanka ge . . .” Ba swanetše, ba swanetše go menekana, “Ba tsatsanka ge ba eya, ba dira twankatwanka ka direthe tša bona; le a bona, barwedi ba Tsione ka letšatšing la mafelelo.”

<sup>237</sup> Gomme o ile a thoma go rotoga tsela yela ya lephefo, feela ka maatla ka fao a bego a kgona go kitima. Gomme, ka morago ga lebakana, tsela ya ba ye tshesese le go ba tshesese. A thoma go phuthologa le go, tsatsanka ka mokgwa *woo*, gomme a sepela go tloga.

<sup>238</sup> Gomme mme o ile a re, “Dikgoeletšo tša go šiišašiiši kudu tšeo ke ilego ka di kwa ka bophelo bja ka, e be e le mosadi yo ge a wela ka go dikgabo tšeo le muši, a eya tlase, tlase ka mokgwa woo.” A re, ka “retologa go dikologa gomme ka re, ‘O a bona?’”

<sup>239</sup> O be a no obamela se sengwe le se sengwe eupša ge e se Lentšu le letee, le a bona, se sengwe le se sengwe eupša ge e se Lentšu le letee. Nnete, basadi ba Pentecostal ba ka kgona go phološwa, ba hlwekišwa, le go tlatšwa ka Moya wo Mokgethwa, gomme ka gona ba feila. Ka go felela. “Motho a ka se phele ka borotho feela, eupša ka Lentšu le lengwe le le lengwe le tšwago.” Le a bona? Le a bona? Gomme a ile a Le feila. Gomme bjalo ka ge ke boletše, le a bona, nkabe a ile pele ka gare, ka moka gabotse, eupša, le a bona, o feitše go theetša; ke mmotša se se bego se le pele. Gomme O ngwadile Ebangedi ka barutiwa, baapostola, le Thuto ya baapostola le baporofeta, le go ya pele, gomme ga se ba theetša.

<sup>240</sup> Bjale elang hloko Maatla a a go phediša, *Zoe*, a tliša Lentšu, monagano wo o bego o le ka g Kriste o be o le ka go lena nako yeo. Ke leka go le laetša, seo, lena, ge le tsogile. Ge Modimo a tsoitše Jesu go tšwa bahung, O tsoitše le lena godimo, gape. Gomme le lena le phedišeditšwe Bophelong, le Yena, bjale le phedišeditšwe Bophelong, le ge e le gore nako yeo le be le le feela kgopolo ka megopolong ya Gagwe, eupša Modimo o bone ka moka ka go Yena, mafelelong, le a bona. Ge Modimo a lebeletše fase godimo ga mmele. . .

<sup>241</sup> Moya o Mo tlogetše, ka Tšhemong ya Getsemane. O ile a swanelwa ke go hwa, monna. Ellelwang, bagwera, O be a se a swanela go dira seo. Yoo e be e le Modimo. Modimo o tlotitše nama yela, e bego e le nama ya motho. Gomme ga se A ke. . . Ge nkabe A ile godimo kua, bjalo ka Modimo, nkabe A se a hwa lehu la mohuta wola; le ka se kgone go bolaya Modimo. Eupša O ile a se ke a swanela go se dira.

242 Eupša, elelwang, O ile kua le wena ka gare ga Gagwe. Le a bona, Modimo ga se ake a aroganya Monyalwa go tloga go Monyadi, go le bjalo. Ge monna Modimo a lebelela fase godimo ga mmele wa Kriste, O bone mmogo mosadi le monna. Ka moka o lopolotšwe ka mmeleng wo motee wola. Le a bona? Ke ba batee, la go swana, la go swana Lentšu. Lentšu la go swana, le le boletšego ka Monyadi, le bolela ka Monyalwa.

243 Go lokile, Monyalwa a ka tla bjang, gomme a feila go bonagatša se sengwe le se sengwe se bego se tshephišitšwe ka Yena; gomme Monyadi o a tla, gomme a A ka se be Monyalwa? Eupša ge A dirile se sengwe le se sengwe, le go se netefatša ka go itsošetša godimo ka Boyena go tšwa bahung, ka morago ga fao, a a ka se ke mo—mo Monyalwa go dira selo se se swanago; a ba tlwa se Lentšu le rilego O tla ba sona ka matšatšing a a mafelelo? A Ga se a swanela go bowa ka Maleaki 4? A Ga se a swanela go bonagatšwa go swana le ka fao go bilego ka matšatšing a Sodoma? A lefase ga la swanela go no ba tlwa ka mokgwa wo le lego? A dilo tše ga se biotsebišo bja go phethega bja Lentšu la Modimo le dirwa go tsebja go rena?

244 Go lokile, bagwera, ke a tseba ke le swarelela nako ye telele, metsotso ye lesometlhano bjale go fihla matena, eupša mohlomongwe ke tla fetša ka nako yeo. Eupša elang hloko, lebelelang mo, selo sa go phethagala e lego sona. Ga ke tsebe gore ke tla le bona neng gape. Le a bona?

245 Lebelelang, elang se hloko. Eupša Modimo o bonetšepele Monyalwa ka go Monyadi. Halleluya! Le a bona, go phološa Mosadi wa Gagwe, go swana le Adama, O ile a swanelwa ke go ya le Yena. Adama o be a tseba se a bego a se dira; Efa o be a sa tsebe se a bego a se dira, eupša Adama o sepeletše ka ntle le mosadi wa gagwe. Le a bona? Gomme Jesu o tšere lefelo la Mosadi wa Gagwe gomme a ba sebe bakeng sa Gagwe. Elelwang, O bile wena, O emetše kotlo ya gago, gore o eme ka lefelong la Gagwe. O eme lefelong la gago, gore o eme lefelong la Gagwe. A lerato! A kopanelo! Re ka kgona bjang go le gana? Re ka kgona go dira eng eupša go rata Yena, bagwera? Nka kgona go dula godimo ga lona diiri, eupša a re šutheleng pelepele gannyane.

246 Go swana le boitemogelo bja pentecostal lehono, le go tla ga Moya wo Mokgethwa ka matšatšing a a mafelelo, bjalo ka ge go tshephišitšwe, go swana le setatamente sa go hlatholla mateng a lengwalo la tokelo ya bong. Le a bona?

247 Bjale, o ka kgona go hwetša bong. Nnete. Le a bona? O ka kgona go hwetša bong go lefelo, eupša seo ga se bolele gore ke la gago. Aowa, mohlomphegi. Yo mongwe tsela morago kua a ka kgona go tla gomme a bea tlelime godimo ga lona. Eupša ge o hwetša setatamente sa go hlatholla mateng, se laetše gore se sengwe le se sengwe seo se lego kgahlanong le sona se a rathwa go tlošwa, go ya morago go tloga motheong. A yeo ke therešo?

248 Gomme ge monna a boletše gore o dumela Lentšu, gomme ka gona ge Moya wo Mokgethwa o etla, Ke setatamente sa go hlatholla mateng go bong. Gomme yeo e go fa tumello, ge o na le setatamente seo sa go hlatholla mateng, gore karolwana ye nngwe le ye nngwe ya leo ke ya gago, gomme se sengwe le se sengwe godimo ga lona ke sa gago. Amene! Gomme seo se re fa setatamente, ge Moya wo Mokgethwa o etla godimo ga lengwalo la tokelo ya bong leo Modimo a le bonego morago kua pele ga go thewa ga lefase, gomme a e bea leina godimo ga Puku ya Bophelo; eupša wa tswalwa ka monna le mosadi, le go ba ka fase ga taolo ya sebe, le go ba le molato wa sebe. Eupša ge ke dumela go Lona, ke amogetše lengwalo; eupša ge Moya wo Mokgethwa o etla, E be e le setatamente sa go hlatholla mateng gore se sengwe le se sengwe kgahlanong le nna, ge eba ke mme wa ka a e dirilego, tate wa ka a e dirilego, makgolo wa ka a e dirilego. . .

249 Go swana le yo monnyane, ngwana wa go hwa dihwahwa yo a rapeletšwego, metsotso e sego mekae ya go feta, seo se tšwa go kgabola go tšwa go batswadi ba batswadi. Go hwa dihwahwa go wetše fase, gomme godimo ga ngwana, ke boletše.

250 Eupša ge setatamente sa go hlatholla mateng se tlile, Se rathile go tloša, se tlošitše se sengwe le se sengwe. Ke nna moswari wa setatamente sa go hlatholla mateng gona. Amene! Gomme ka nnete bjalo ka Moya wola o tsošitšego Kriste go tšwa bahung, ke na le setatamente sa go hlatholla mateng a lengwalo gore ke nna karolo ya Mmele woo, ke setatamente sa tlhathollo ya mateng ya Moya wo Mokgethwa go dira mmele wola wa Lentšu go phela ntle feela tlwa go swana le ge O dirile ka Yena, bjalo ka ge A tshepišitše ka letšatšing la mafelelo. Setatamente sa tlhathollo ya mateng! Ka moka dibe tša ka di rathetšwe ntle, ka moka dibe tša gago di rathetšwe ntle, ka Madi a Jesu Kriste, gomme Moya wo Mokgethwa o tla bjalo ka setatamente sa tlhathollo ya mateng a lengwalo la tokelo ya bong leo Modimo a mphilego lona ka mogau, ka tsebelopele. Oo, nna!

251 O tšhošwa ke eng? Ga go makatše O rile, “Se boifeng; Ke nna Yo a bego a hwile gomme ke phela gape; gomme Ke a phela go ya go ile; gomme ke na le dinotlelo tša lehu le hele.” Le se ke la tshwenyega ka selo. Le lehu ga le ye go le gobatša. Elang hloko. Bobotse!

A re yeng thwi ka pela bjale.

252 Setatamente sa tlhathollo ya mateng a bong! Molato o lefilwe. Se sengwe le se sengwe kgahlonong le sona se rathilwe go tloga. Ha-ha-ha! Letago! Nka no itshwara bosawana, eupša ke ikwela gabotse. Elang hloko. Le a bona? Oo, lengwalo la setatamente sa tlhathollo ya mateng, a le lemoga se leo le se rago? A le lemoga se leo le se rago, ngwanešu? Fao ga go selo se ka kgonago go le tšea go tloga go wena. Amene. Ke nna moswari. Amene. Eng. . .

253 Lengwalo la eng? Bjale ke khešitše ka gare kholego ya ka, ya lehu la Gagwe, poloko, le tsogo. O bile nna, gore ke be Yena. Bjale, O bile modiradibe, gore ke be morwa, amene, gomme ke swere setatamente sa tlhathollo ya mateng a lengwalo. “Ka gore maswao a a tla latela bona ba ba dumelago,” le a bona, setatamente sa tlhathollo ya mateng a lengwalo!

Bjale ka pela, pele. . . Re na le e ka ba metsotso ye lesome go feta.

254 A a re eleng hloko, ka pela bjale, go phediša ga Moya. Ke ya go le laetša maswao a mangwe gore le tle le kwešiše. Lebelelang, bjale hlokomelang seo, “Maatla a a go phediša” e be e le thuto ya ka. Ka morago ga ge Morwa a tsogetše godimo, lebelela ka fao A dirilego go bona ka Pentecost, se A se dirilego go bona, se Maatla ao a go phediša a se dirilego go bona. A ba phedišitše.

255 Bjale a re eleng hloko se A se dirilego godimo ga Stefano. Stefano o be a tletše Maatla a go phediša. A seo se be se se sa nepagala? Le a bona, o be a tletše Maatla a go phediša. Ga se a mo dira gore a tšhoge. O rile, “Lena ba melala ye methata le ba go se bolotšwe ka pelong le ka ditsebeng, ka mehla le phegiša Moya wo Mokgethwa; go swana le ge botatago lena ba dirile, ka fao le a dira. Ke ofe yo motee wa baporofeta yo a laeditšego pele go tla ga Moloki yo Motee, botatago lena ba sego ba mo kgatla ka maswika?” Oo, nna! O dirile selo se sengwe go yena. Nnete, o be a tletše ka Maatla a go tsoša.

Gomme ba rile, “Re tla fediša moisa yola!”

256 Gomme ge a ehwa, ba ile ba mo kgatla ka maswika; gomme hlogo ya gagwe ye nnyane ya go šokiša, maswika a itia kgahlanong le yona ka mokgwa woo. O ile a lebelela godimo gomme a re, “Ke bona Magodimo a bulegile.” Maatla a go phediša a be a šoma. “Ke bona Magodimo a bulegile, gomme Jesu a eme ka seatleng sa go ja sa Modimo.” Seo ke se Maatla a go phediša a se diretšego Stefano.

257 Elang hloko mothaka yo mongwe, yo a bilego le Maatla a a go phediša, leina la gagwe e be e le Filipi. O be a tletše Maatla a go phediša kudu. O be a na le kopano ye kgolo tlase ka Samaria. Bodiabolo ba be ba lelekelwa ntle. Batho ba be ba kolobetšwa Leineng la Jesu Kriste. Ba be ba na le kopano ya nnete. Gomme Moya o ile wa bolela go yena, oo, di—di Dikgontšha tshepelo di tllile fase, gomme O rile, “Tlogela tsošeletšo ye.” Eupša badiredi ba tla reng? Ga go dire phapano ye e itšego ka seo ba se bolelago. Le a bona? O be a tletše ka Maatla a a phedišago. O be a le patrole, gomme di—di Dikgontšha tshepelo di be di wetše godimo ga gagwe. O rile, “Eya ntle ka leganateng.”

258 Gomme o ile a hwetša molaki fao, gomme a mo kolobetša Leineng la Jesu Kriste; monna yo motee, yo a tšerego Molaetša tlase go ya Etiopia. Yeo ke therešo? Gomme o ile a obamela Modimo.

259 Ka go abamela Modimo, ge o se wa ke wa kolobetšwa Leineng la Jesu Kriste, e dire, gomme o bogele Maatla a go phediša a go kukela godimo nako yeo. Le a bona?

260 Ge Stefano a dirile selo se segolo se . . . goba, e sego Stefano. Eupša Filipi o dirile selo se segolo se, go tlogela tsoeletšo ye kgolo yela gomme a obamela melao ya Modimo, ge a be a phethagatša, ka go tlatša . . . Ka go kolobetša molaki yo, ka go obamela Modimo, o be a tletše Maatla a go phediša kudu go fihla A mo swara go tloga. “A tla phediša mmele wa gago wa go hwa, ge Moya wo woo o tsošeditšego Jesu godimo go tšwa bahung.” O ile wa phediša Filipi go fihla a se sa bonwa e ka ba mohlomongwe dimaele tše lekgolo masometlhano, godimo felotsoko gape, godimo ka nageng ye nngwe. O ile wa phediša mmele wa gagwe wa go hwa. O e dirile bjang? O be a tletše Maatla a go phediša kudu.

261 Oo, Kereke ya Modimo yo a phelago, re ka se kgone go ema go dikologa mo godimo ga dinonyana tša swikiri tše nnyane tšeo re di hlokomelago tikologong mo lehono. Re swanetše gore re tla le go rapela godimo, ka Maatla ao a phedišago, go fihla phedišong ya Moya wo Mokgethwa! Re swanetše go tšeelwa go tloga, letšatši le lengwe, ka Tthatlogong yela ka kua. Eye, mohlomphegi. Amene! Oo, nna!

262 Swarelang tlhagišo yeo. Ke be ke nagana ka mme yo a dira mekotla ye mennyane yeo, re bego re e šomišetša, leseae. Ba bangwe ba lena bomme ba kgale le a e eelwa. Leseae le lennyane le a gaela; o tšea kofi ya go šilwa le swikiri, wa e phuthela godimo ka mokotla gomme wa mo dira gore a o anywe, go no mo okobatša. Fao ga go maatla ka go woo. O tla mmolaya. Le a bona? Khafeine yela ya kgale fao, le dilo, e bosefaditšwe gannyane go mo dira a e meletše tlase, e tsenya khafeine ka go yena.

263 Re lapile ka dilo tša go swana le tšeo. Boelang morago! Le dintšhu; morago go Lentšu la Modimo! Ebang dinatla; ga go selo se ka kgonago go gobatša maikutlo a lena, ka fao le lokologile go tšwa go ka moka selešadihleng sa motho. Eng kapa eng mang kapa mang a se bolelago kgahlanong le wena, se se no tliša lerato la go oketšega. Amene. Gomme, Maatla a go phediša, a tšee tše go tloga go ya ka go tša Magodimong, ntšhu ye e fofetšego bokagodimo ga mantsuana, kgole godimo ka godimo ka mafelelong a Legodimong ka go Kriste Jesu! Oo!

A be a le godimo ga Filipi. Ao a mo phedišitše, a mo swara go tloga.

264 A re tšeeng monna yo mongwe. Fao go be go le monna ka leina la Henoge. Bjale, o sepetše ka Lentšu le lengwe le le lengwe la Modimo, lebaka la mengwaga ye makgolotlhano. O be a na le bopaki, gore, “Ga se kake nako e tee ke feila Lentšu la Gagwe.” O ile a tlala Maatla a go phediša kudu ge Dikgontšha tšhepelo di mo itia, godimo ga yona Metšhene, o ile a be a no se swanelwe

ke go hwa; o ile a no ya godimo Gae. A no thoma go sepela. O be kudu. . . Bjalo ka Filipi, o ile a tlala Maatla a go phediša kudu, go na le gore a ye godimo Gasa le go ya lefelong le lengwe, fao, ba mo hweditše mabopong a godimodimo kua. Go na le yeo tsela, o ile a no ya, oo, a re, “Ke nna monna wa mokgalabje, le ge go le bjalo. Ke sa tšwa go no ba le Maatla a go phediša a mantši, ke tla sepelela thwi ka ntle ga lefase.”

<sup>265</sup> Ao ke wona Maatla a a swanago a go phediša re nago le wona thwi bjale. Le a bona, A tla phediša mmele wa gago wa go hwa. A yeo ga se therešo? Ke Maatla a go phediša.

<sup>266</sup> Henoge, ka bopaki bjola bja go phethagala, gore, “Se sengwe le se sengwe Modimo a mpoeditšego gore ke se dire, ke se dirile. Se sengwe le se sengwe ke se bonego A mpoeditše gore ke se dire, ke se dirile.” Gomme o ile a tla go tlala di—di Dikgontšha tshapelole kudu, goba—goba Metšhene, go fihla, ge Maatla a go phediša a mo ratha, Metšhene, E ile ya no mo phagamišetša thwi godimo. A sepelele pele ka ntle ga lefase, go ya Legodimong.

<sup>267</sup> Bjale, bjale elang hloko, go Eliya. Ka morago. . . Lebelelang, Eliya, moporofeta yo mogolo yola, monna ka letšatšing la gagwe. Ntshwareleng. Ngwanešu, kgaetšedi, ka letšatšing leo o ile a thuntšha bona basadi ba difahlego tša go pentwa, bona bo Isabele le bo Ahaba. Gomme a ema go fihla. . . Gomme go se le yo motee, go bego go bonagala o ka re, o be a ema le yena. Gomme o ile a kgalemela, a metša, gomme a ema ntle kua, gomme Modimo o ile a mo hlokomela le go mo thuša ka lefelong le lengwe le le lengwe. Le a tseba, mothaka wa go tšofala o ile a lapa kudu letšatši le letee. O rile, “Ke a tšofala, ka fao ke no se kgone go ya kgolekgole.” O be a eya pele, ke a thanka, mengwaga ye masomesenyane ka bokgale; a tšofetše ka nnete, gomme a sepela tikologong kua, gomme o be a tletše Maatla a go phediša kudu. Le a tseba ke eng? O ile a lebelela go kgabaganya Jorodane.

O Modimo! Gabotse ke kgona go bona ka lehlakoreng le lengwe. A ga le kgone?

<sup>268</sup> O be a tletše Maatla a go phediša kudu, go fihla, a bona koloi e kgokilwe ka kua mošola, dipere tša Mollo le koloi ya Mollo, di kgokilwe go mohlare ka kua mošola. O ile a no sepela go kgabaganya noka gomme a ya Gae, ntle le go hwa. Maatla a go phediša a rometše, a dirile koloi go tla fase go tšwa Legodimong le go mo tšeela godimo. Le go apola jase ya gagwe gomme a e lahlela morago go Eliya. Yeo therešo.

<sup>269</sup> Bjale, ka gona mothaka yoo o ile a topa kobo yeo, seswantšho sa Kereke gape, le a bona, a topa kobo yeo. Bjale, o dirile mehlole gabedi, e lego seswantšho sa Kriste le Kereke. Le a bona? Eliya o dirile ye mene; yena o dirile ye seswai. Le a bona, bjale, o be a—o be a na le maatla gabedi, ka gore o a kgopetše. “Dilo tše kgolo go feta se Ke se dirago le tla di dira.” Le a bona? Eupša o be a tletše Maatla a go phediša kudu, le se sengwe le se sengwe, go fihla

a dirile ka moka tše, gabedi, tše Elisa a di dirilego, go feta ka fao a dirilego. Gomme elang hloko, o phetše bophelo godimo go fihla e ka ba masomeseswai goba masomesenyane a mengwaga ka bokgale, o bile mokgalabje gomme a— a hwa. O hwile, gomme ba—ba mo tšeela ntle gomme ba mmoloka.

<sup>270</sup> Le a tseba, go lokile, Maatla ale a go phediša ga se ake a mo tlogela. Ye mentši, mentši mengwaga ka morago ga fao, ge nama ka moka e bodile go tloga marapong a gagwe, o be a robetše ka lebitleng. Gomme ba be ba rwele monna wa go hwa letšatši le letee, gomme ba bona lenaba, gomme ba no fošetša monna yo godimo ga maropo a Elisa. Fao go be go le Maatla a go phediša a mantši kudu godimo ga maropo ao go fihla ge manna a tabogela godimo bophelong gape. Oo!

<sup>271</sup> “A tla phediša mmele wa gago wa go hwa.” Le ge a hwile le go bola ka lebitleng, gomme go le bjalo Maatla ale a go phediša a be a khutšitše godimo ga tshela yela. Haleluya! Uh! “Yo a tsošitšego Kriste go tšwa bahung gape o phediša mebele ya lena ya go hwa.” Eliya morago kua, Elisa le Eliya . . .

<sup>272</sup> Elelwa, monna yola wa go hwa, moporofeta yola, a tletše Maatla a go phediša, a robetše ka lebitleng a bola go felela; fao go be go le Maatla a go phediša, go fihla, ba lahletše monna wa go hwa godimo ga gagwe, a tla bophelong. O be a sa kgona go bea diatla godimo ga balwetši. A o be a sa kgone? Amene. Lena le fao.

<sup>273</sup> Gomme elelwang, re nama ya nama ya Gagwe, Jesu Kriste. “Re nama ya nama ya Gagwe, le marapo a marapo a Gagwe.” Oo, fao ga go tsela ka ntle ga yona. Re ya go tsoga, gomme seo ke ka moka. Le ya go tsoga, seo ke ka moka.

<sup>274</sup> Paseka e ra go feta setšo. Gape bjale ke, ka gore mebele ya rena e phedišitšwe le Yena gomme re dutše ka mafelong a Legodimong.

<sup>275</sup> Gomme mmele wo o ka no bola ka lewatleng; o ka no bola ka mobung; fao go ka no se be melora ya go tla la lehwana; eupša o tla pele. Ka gore, Moya wo o tsošeditšego Morena wa ka godimo go tšwa bahung o phedišitše mmele wo wa go hwa. O phedišitše mmele wa gago wa go hwa. Gomme re baholegi ba Gagwe ba tsogo ya Gagwe, pholisi ya Gagwe ya Bophelo bjo Bosafelego bjo ke bolelago kudu ka bjona, le a tseba. Ga go makatše ge A rile, “Se boifeng.” O be a tseba.

<sup>276</sup> Ka gore bjalo ka ge Paulo a rile, “Lehu, lebola la gago le kae? Lebitla, phenyo ya gago e kae? Ke tletše Maatla a go phediša. Ditebogo a di be go Modimo, Yo a re fago phenyo ka Morena wa rena Jesu Kriste.” Eye, mohlomphegi! Maatla a go phediša. Oo, nna!

<sup>277</sup> O a phela go ya go ile, “wa go swana maabane, lehono, le go ya go ile.” Baheberu 13:8. Elang hloko, Mesia, yo Motee a tloditšwego; ka fao le Monyalwa wa Gagwe, ke bo Mesia, le a bona, yo Motee a tloditšwego.



278 Elang hloko, lehu ga le emiše Maatla a Modimo a go phediša. Lehu le ka se kgone go A emiša. Ge o na le Wona, Ke Bokagosafelego. Fao ga go selo se yago go A emiša. O ka se kgone go A laola; o ka se kgone—kgone go dira selo go Wona. O phela bophelo bja gago ntle, seo go le bjalo se ka se kgone go A emiša; feela gabotse ka fao A bego a le ka gona.

279 Elang hloko, Moshe o tletše ka Maatla ao a phedišago. A o be a le? O be a le moporofeta yo Lentšu le tlilego go yena. O be a le karolo ya Lentšu. O be a le Lentšu la letšatši leo. A yeo ke therešo? Gomme ka morago ga ge a hwile, mengwaga ye makgolo seswai; godimo ga Thaba ya Phetogelo, o be a eme fao, le Eliya. Yeo ke therešo? Maatla a go phediša, lehu ga le kgone go A tšea go tloga. Aowa, aowa. “Ke tla o tšošetša godimo gape.” Barongwa ba tlile; ba mmoloka tlase kua ka moeding. O be a bodile gomme a ile, marapo a gagwe a be a ile, le se sengwe le se sengwe gape, eupša Maatla a go phediša a be a sa le fao. A mo phedišitše le go mo tliša godimo. Gomme o be a le fao, a eme fao. Elang hloko.

280 Le re, “A yeo ke therešo, Ngwanešu Branham, ka morago ga mengwaga ye masomeseswai?” Oo, nna!

281 Ge o ka bala Mateo, ke na le Lengwalo, Mateo 27:51. O ka kgona go ngwala, wa e bea fase. Ge ka moka bale morago kua, ba ba go dumela gore O be a etla . . . Beibele e boletše mo, ka morago ga ge A tlile, ba be ba robetše mobung. Maatla a go phediša a be a le godimo ga bona, gomme ba be ba le karolo ya Gagwe, bona bakgethwa. Ba be ba le karolo ya Gagwe, ka gore ba be ba dumetše go Yena.

282 Kgonagalo ba be ba na le Bophelo, ka sehlabelo sa dinku, setimabogale, seo se bego se ka se tsoge sa kgona go tliša moya wa nku morago godimo ga motho. Go reng bjale ka Moya wa Monna, Modimo ka Boyena, godimo ga gago, le a bona, ke ga kae go fetiša Maatla a go phediša re nago le wona! Eupša ka setimabogale bja sebe go be go neelwa kwana, ka seswantšho. Se re nago le sona ga se seswantšho; ke seo seswantšho se bego se se bolela. Re tšhošwa ke eng? Gomme mathaka ale ba bego ba na le seswantšho feela, se šupa go tsogo ya Gagwe, gomme ba ile fase ka lebitleng le sona.

283 Bjalo ka Jobo morago kua ka tlase ga ngangego ye kgolo ya gagwe, nna, se sengwe le se sengwe se be se tšerwe go tloga go yena! Diabolo o rile, “A nke ke be le yena. Ke tla mo dira gore a Go roge sefahlegong sa Gago.” Gomme ka gona a kgaola go tlemolla.

284 O rile, “O se ke wa tšea bophelo bja gagwe.” Gomme o dirile (yena) ka moka eupša ntle le go tšea bophelo bja gagwe.

285 Gomme mosadi wa gagwe a be a retologa kgahlanong le yena. A re mohemo wa gagwe o tlile wa ba wa go se tsebalege go yena. Ka mantšu a mangwe, mosadi—mosadi o be a se na le selo go dira le yena. Mosadi o be a se sa bonala a mo rata gape, a no mo

kgorometša go mo tloša. “Jobo, o na le mahlomola! Ka baka la eng o sa no roga Modimo, gomme wa hwa?”

A re, “O bolela bjalo ka mosadi wa lešilo.” Oo, nna!

<sup>286</sup> Le a bona, o ile a swara thwi se a bego a na le sona. Bjale, o be a le moporofeta. O rile, “Nna ga ke modiradibe. Ke neetše sehlabelo se se filwego.” Amene. O be a tseba mo a bego a eme. O be a le Lentšung. Go sa kgathale gore ba bangwe ba be ba reng, o be a le thwi kua Lentšung. Ka gona iri ye kgolo yela ya go boifiša. . . A re, “O bolela bjalo ka mosadi wa lešilo.” O rile, “Morena o be a file, Morena o tšere o tlošitše; ka baka la eng, a go šegofatšwe Leina la Morena!” A re, “Ke tlile lefaseng le ke se na le selo. Ke tlile mo, ke sa apara, ke tla ya ka ntle ka tsela ye e swanago. A go šegofatšwe Leina la Morena!” A dutše mola, a kgeigetše ntle ka dišo, digotlane tša gagwe di hwile, o be a teilwe ke bohloki, gomme bagwera ba gagwe ka moka ba be ba retologile kgahlanong le yena, maloko a kereke ya gagwe, se sengwe le se sengwe gape, a ingwaya ka boyena ka. . . Gomme a mahlomola a go šokiša! Ga go yo motee wa lena a kilego a kgabola seo bjale. Go le bjalo, o ile a swarella go Lentšu leo.

<sup>287</sup> O be a le ntšhu. Oo, nna! O ka se bee leapi godimo ga mahlo a gagwe nako ka moka. Aowa, aowa. Ka moka gatee, ge a eme go Lentšu leo, go diregile eng? Magodimo a ile a apogela morago, medimo ya thoma go rora, legadima la thoma go phadima, gomme Jobo o ila a lebelela godimo gomme a bona pono, a re, “Ke a tseba Molopolodi wa ka o a phela. Ka matšatšing a mafelelo O tla ema godimo ga lefase le. Gomme le ka morago ga ge diboko tša letlao di sentše mmele wo, marapo le ka moka, Maatla ale a go phediša a tla ba fao. Ke tla bona Modimo ka bonna, Yo ke tlogo go mmona ka bonna. Mahlo a ka a tla bona e sego yo mongwe.” A yeo ke therešo? “Le ka morago ga ge dipshio tša ka di lle bokagare bja ka, le ka morago ga ge diboko tša letlalo tše di lego ka mmeleng wa ka bjale, di tla o senya.”

<sup>288</sup> Le a tseba, diboko tša letlalo ga di tle go wena. Seboko seo se šetše se le ka go wena, diboko tša letlalo la gago mong. A le kile la ela seo hloko? Ge re ka go bea ka lepokising, gomme ra le bea setswalela moya; dithokga di tla go ja godimo, go no swana, ka gore di ka go wena. O no ba sehlopha sa dithokga, sa mathomo, bokagare.

<sup>289</sup> “Le ge diboko tša letlalo, diboko tša letlalo la ka di a ntshenya, nama ya ka, go le bjalo ka nameng ya ka ke tla bona Modimo.”

<sup>290</sup> Gomme ka mosong wola wa tso go! Letago! Haleluya! Mateo, mongwadi yo mogolo wo, 27:51, o boletše, “Ka morago ga ge A tsošitšwe go tšwa bahung, gore bakgethwa ba Testamente e Tala, ba bantši ba bao ba bego ba robetše ka leroleng la lefase, ba tlile godimo go tšwa lebitleng, gomme ba tsena ka toropongkgolo gomme ba tšwelela go ba bantši.” Maatla ao a go phediša, a be

a sa le godimo ga wona marapo a Eliya ge fao go be go se sa na le marapo, le go Jobo ge fao go be go se sa na le lerole la go tla la lehwana le šetšego la mmele wa gagwe. Eupša Maatla a go phediša a be a sa le fao.

<sup>291</sup> “Ge Moya wo woo o tsošeditšego Jesu godimo go tšwa bahung o dula ka go wena, O tla phediša mmela wa gago wa go hwa le wena.” Elang hloko, ka pela bjale.

<sup>292</sup> Le re, “Oo, ke duma ge nkabe ke phetše morago. . .” Le phela ka nakong ye kaonekaone. Bjale ge ka moka. . .

<sup>293</sup> Ke a le bona le bea Mangwalo fase. Ka moka gabotse, beang fase Bathesalonika ba Pele 4:16. Elang hloko ka mo go lego botse, le a bona. Ka go. . . “Bakgethwa, bona ba robetšego ka go Kriste, Modimo o tla ba tliša le Yena,” le a bona, bakgethwa ka lebitleng, ba ba khutšitšego. Go swana le ka fao Eliya a bego a le ka gona; ba bangwe go swana le ka fao Elisa a bego a le ka gona; le a bona, ba bangwe ba bona ba tla phedišwa, ba bangwe ba tla tšewa, ba bangwe ba tla ba ka lebitleng. Ba tla ya le Yena. “Phalafala ya Modimo e tla lla, gomme bahu ba lego ka go Kriste ba tla tsoga pele. Gomme rena ba re phelago gomme re šetše re tla tšeelwa godimo mmogo le bona, go gahlanetša Morena ka moyeng.” Maatla ao a phedišago go ba ba phelago; Maatla ao a phedišago go bahu. Le a bona?

<sup>294</sup> Maatla ao a swanago a go phediša a Modimo a file ka go bobedi bja baporofeta ba. Lebelelang maina a bona, gabotse a swana, Elisa, Eliya. Le bona Monyalwa le Monyadi? Yo motee wa bona ke Mna. Jesu; yo mongwe yo motee ke Mdi. Jesu. Le a bona, gabotse go a swana, e no ba—e no ba gare ga—ga Monna le Mosadi. Le a bona?

<sup>295</sup> Eliya, gomme lebelelang ka fao e emelwago mo. Bjale, Elisa. . . O tšeetšwe godimo ka go tlatlogo, o emela Kereke, ka moka gabotse; Eliya; gomme Elisa o ile a khutša go fihla tsogong. Le a bona? Go no swana le nonyana, e nyaka diphego tše pedi go ipalantsha ka seyona. Le a bona? Kereke e be e emetšwe thwi kua ka go baporofeta ba babedi ba. “Ka gore rena ba re phelago gomme ra šala go fihla mabowong a Morena, re ka se ke ra šitiša bao ba robetšego; ka gore Phalafala ya Modimo e tla lla,” bobedi diphego di tla tla mmogo, gomme re tla fofela go tloga, haleluya, re tla fofela go tloga. Ka gore, (eng?) ka go ba ba phelago, goba ba ba hwilego, Maatla ale a phedišago a sa phela.

<sup>296</sup> Elang hloko. Elelwang, elelwang bjale, go phedišwa go bona gore dilo tše ke eng. Hlokomelang Maatla a a phedišago a letšatši le. Elelwang, re phedišitšwe. E sego telele go fetile, bakeng sa thušo. . .

<sup>297</sup> Gomme ke—ke a nagana Morena wa rena o boletše, gomme ka fao le Paulo o dirile, “Seo Tate a ntaeditšego, Ga se ka šia selo morago. Ke a le botša.” Gomme ka mo matšatšing a a mafelelo ge re bone Maatla a Gagwe a go phediša godimo ga rena, le bile O

fa Maatla a go phediša go rena, go bona balwetši ba fodišitšwe. Re bone Maatla a go Phediša a šoma magareng ga rena, go swana le ka fao A bego a le godimo ga bona ka matšatšing a pele, le a bona, go a bona A tliša morago ka pono le ka go tsoša bahu, go A bona a dira balwetši gore ba loke.

<sup>298</sup> Letšatši le lengwe ke be ke botša yo mongwe. Donavon Weerts yo monyane mo, ke a thanka ka moka le a mo tseba. Ke be ke le godimo ke tsoma le yena. Moisa yo monnyane wa go diila. . . Ke mothaka yo monnyane yo mokaone. O tla kerekeng mo. O tla. . . E no ba mogwera wa go loka kudu wa ka. Gomme o no. . . O rile, “Ke be ke sa nyake go go tshwenya.”

<sup>299</sup> Ke ile ka lebelela, gomme tsebe ya gagwe, e retologile tsela ka moka, ka gare go le ka ntle. Gomme ke ile ka re, “O bjang, Donavon?” ka no mo tšea ka seatla, ka mokgwa wo, gomme kankere. Ka re, “Donavon, molato ke eng ka tsebe ya gago?”

<sup>300</sup> O ile a re, “Ga ke tsebe, Ngwanešu Branham. E ka ba tše tshela, tše šupa dikgwedi, e no tšwela pele e ba. . . .”

Ke ile ka re, “Ka baka la eng o sa bolele selo se sengwe ka yona?”

<sup>301</sup> A re, “Ke—ke be ke sa nyake go go tshwenya, Ngwanešu Branham.”

Ke ile ka re, “A o a tseba gore ke eng?”

A re, “Ke na le lesedi.”

<sup>302</sup> Ke ile ka no bea seatla bokagodimo godimo ga gagwe, ga se ka ke ka bolela lentšu. Matšatši a mabedi ka morago ga seo, fao go be go se le ge e ka ba lebadi. Ke eng? Maatla a go phediša, le a bona, A tla phediša mmele wa gago wa go hwa. Tsebe ya gagwe e ka be e llwe go tloga, mabjoko a gagwe a ka be a ile, le a bona, nkabe a hwile. Eupša, Maatla a a phedišago! Le a bona?

<sup>303</sup> Gomme letšatši le letee ge ke be ke lapile, ka bonna, e ka ba. . . Ke ile ka re, “Ge o. . . Mošemane, bokaonekaone o ye pele, o mengwaga ye masometlhano ka bokgale. Wena, ge o eya go direla Morena selo se se itšego, bokaonekaone o hlaganele godimo gomme o se dire. O a tšofala.” Le a bona? Gomme fao mosong woo, Maatla a go phediša a ile a tla, gomme O ile a ntumelela go lebelela ka kua ga garetene, gomme ke le bone ka moka ga lena ka kua. Uh-huh. Le a bona? O ile a re, “Ka moka ba o kilego wa ba rata, le ba ba go ratilego, ba filwe go wena.” Le a bona? Ke ba bone ka moka ka kua ka mokgwa woo. E be e le eng? Maatla a a Phedišago.

<sup>304</sup> Johane moutolodi o be a tladitšwe go tlala ka Maatla a go phediša, go fihla e emetše godimo gomme a bona mafelelo go tloga mathomong.

<sup>305</sup> Jesaya o be a tletše Maatla a go phediša, gomme a emela godimo gomme a bona Miliniamo le ka moka.

306 Maatla a go Phediša! “Gomme ge Moya wo o tsošeditšego Kriste godimo go tšwa bahung, o dula ka go wena, O tla phediša mmele wa gago wa go hwa. . . mmele wa go hwa.” Elelwang, Maatla a go phediša!

307 Lebelelang se re se bonego ka letšatši le. Maatla a go Phediša a tšile go rena, go bula Mahuto a Šupa. Seo e be e le eng, bohlale bja monna? Aowa, Maatla a Modimo a go phediša. Le a bona, Maatla a Modimo a go phediša a boleletšepele gore se se be se tla direga. Le a bona, Maatla a Modimo a go phediša a dirile lefase go paka go Wona, ke Therešo. Morongwa wa Morena, ke le boditše, o be a le tikologong, ka go Pilara ya Mollo; Maatla a go phediša a dirile lefase go paka gore Ke Therešo. Gomme, ka go seo, ba be ba sa tsebe gore E be e le eng; gomme re tsebile, e nong go lebelela ka tsela *ye*, gomme Ke Morena wa rena godimo kua, le a bona.

308 Ke Yena yo Motee Yo a butšego Mahuto ao. Yena ke Mahuto ao, ka gore Lentšu lohle la Modimo ke Kriste, gomme Kriste ke Mahuto a a butšwego. Go bulwa ga Mahuto ke eng gona? Go utolla Kriste.

309 Gomme bona Barongwa ba šupa, ba ba emetšego Dikereke tše Šupa ka moka di feletše, gomme ga se re kgone le go E bona. Ba dirile, ba tšere senepe, e sego rena. Gomme šole Yena, o eme kua, Moahlodi wa Godimo; o laetše gore ke Yena Alefa le Omega, mathomo le mafelelo. A boitsebišo! Maatla a a phedišago a dirile seo go rena.

310 Maatla a go phediša a re dira gore re bone go tla ga Gagwe. Maatla a a phedišago a re ubutše go tloga lehung go ya Bophelong. Maatla a go phediša a fa tekolo; go tseba gore pošo ke eng ka wena, le se o ka se dirago; se o se dirilego, le se o bego o se wa swanela go se dira, le se o swanetšego go be o se dirile, le se o tlogo go ba sona. Maatla a a phedišago, ka moka dilo tše!

311 Morena wa rena Jesu o tletše Maatla a go phediša, O be a le ka moka go Wona, mmogo. O be a tletše Maatla a go phediša kudu, O boletše se, “Lena senyang mmele wo, gomme Ke tla o tsošetša godimo ka matsatši a mararo.” Bolelang ka boitshepo ka go Maatla a go phediša! “Senyang mmele wo, gomme Ke tla. . . tempele ye, gomme Ke tla o tliša godimo ka matsatši a mararo.”

312 Ka baka la eng, ka baka la eng A boletše seo? O tsebile gore go be go ngwadilwe ka Yena, le a bona, seo se be se ngwadilwe ka Yena, ka Lentšu la Modimo le le bego le ka se kgone go feila. Lentšu le rile, “Nka se tlogele Mokgethwa wa Ka yo Motee a bona go bola, le bile Nka se tlogele soulo ya Gagwe heleng.” Gomme o be a tseba gore Maatla ale a go phediša a be a tla Mo tsošetša godimo, gore fao go be go ka se be le sele ye tee ye e bolago.

313 O rile, “Lena senyang tempele ye, gomme Ke tla e tliša morago gape ka matsatši a mararo.”

314 Ka baka la eng? E be e le seporofeto, Lentšu la Modimo. Gomme seporofeto, ge E le Lentšu la Modimo la therešo, se ka se kgone go feila. Gomme seporofeto se se swanago le Lentšu la Modimo le le rilego O tla Mo tsošetša godimo, le bolela gore re šetše re tsošitšwe le Yena. Ga go makatše O rila, “Se boifeng.” Gomme go ngwadilwe, gore, “Moya wo o lego bjale, o be o le ka go Yena, bjale o ka go rena, gape o phediša mebele ya rena ya go hwa.” Se boife, mogwera, M-o-r-w-a o godimo. Morwa o godimo. Aowa . . .

315 Bjale lebelelang phetogelo. Re be re, yo mongwe le yo mongwe yo motee, o emetšwe kua. Fao go bile bakgethwa ba ba phelago ba ba hlatlošitšwego, kua go bile Eliya a eme kua; gomme kua go bile Moshe a eme, bakgethwa ba ba hwilego ba emel- . . . Gape, bobedi bja bona ba be ba na le Maatla a go phediša. Ge eba yo motee o hwile, gomme yo mongwe ga se ake a ehwa, ka moka ba kua.

316 Elang hloko, oo, lebelelang se bjale re se bonago ka matšatšing a a mafelelo. Selo se se swanago se A se tshepišitšego, Johane 14:12. Bjale lebelelang. [Lefelo la go se be le selo godimo ga theipi—Mor.] Nnete.

Batho ba re, “O tleleima go ba le maatla?” Aowa, aowa, aowa.

317 Re no swana le bona Thabeng ya Phetogelo, le a bona. Nnete, ga re tleleime maatla. Eupša, re, bjalo ka ge ba—bjalo ka ge ba be ba le . . . Godimo ga Thaba ya Phetogelo, ba be ba sa re, Moshe, o re, “Bonang ke, bonang ke nna mang,” barutiwa ba re, “bonang ke nna mang, bonang ke nna mang.” Le a tseba go diregile eng? Elang hloko, ba bone Jesu a tagafaditšwe. Ke ka moka ba bego ba nyaka go bona se emetšwe, Jesu a tagafaditšwe.

318 Gomme ka fao ke sona lehono, ga re leke go ba motho yo mongwe yo mogolo. Ga re tshwenyega ka se batho ba se bolelago ka rena. Leina la rena ga se selo; ke Leina la Gagwe. Bophelo bja rena, ga se selo; ke Bophelo bja Gagwe. Ke Maatla a Gagwe, e sego maatla a rena. Gomme fao go selo se tee feela re ratago go se dira, ke go bona Yena a tagafaditšwe. Gomme go ka ba bjang? Ge A tagafaditšwe ka go rena, ka tsogo ya Gagwe ye e lego ka go rena. Re Mmona a emetšwe gape bjalo ka ge A be a le, lehono.

319 A le hweditše seo? Le a bona, kganyogo ya rena ga se go tagafatšwa. Kganyogo ya rena ga se leina le lengwe le legolo. Kganyogo ya rena ga se go kuketša kereke ye nngwe, goba go dira bontši ka sekolo sa Lamorena, goba go leka go tliša ka gare, go tlema go tliša, go kgomareletša ka gare, go neela phathi ya phikiniki, goba go tliša dinaledi, dikonope, goba se sengwe gape go swana le seo. Yeo ga se kganyogo ya rena. Kganyogo ya rena ke go Mmona a tagafaditšwe. Tagafaditšwe, (ka eng?) e sego ka boikgantšho bja serena; eupša ka go rena, maphelo a rena, go netefatša gore O a phela gomme o phela ka go rena.

320 Ge nka kgona go itloša ka bonna tseleng, ka fao ge William Branham le bile a sa gopolwe, gomme le lena le sa gopolwe, go fihla ge re bona Jesu a tagafatšwa magareng ga rena. Re Mmona, yeo ke kganyogo ya rena. Ao ke a go phedi- . . . go re fa Maatla a go phediša. Gomme go re fa thabo, go tseba gore re na le Yena, mmogo nama le lerapo la Gagwe, e lego Monyalwa wa Gagwe; le go bona mekgwa ye e swanago ye e hlatsetšwego ya Gagwe, e netefatša go rena gore bjale O tsogile go tšwa bahung. Le a bona?

321 Ga go makatše O rile, “Se boifeng”, ka gore bjale, elang hloko, re lopollwe ke Yena, gomme bjale re tsogile le Yena. Seo ke se Paseka e se rago go batho, “go tsoga le Yena”! Elang hloko. Bjale re na le Moya wa Gagwe ka go rena, lengwalo la setatante sa go hlatholla mateng le lefilwe ka botlalo.

322 Aowa, ga o re, “Go lokile, ke holofela gore ke a e dira.” O šetše o e dirile. E sego, “Ke tla e dira.” Ke šetše ke e dirile. Ga se kake ka e dira; O e diretše nna. Le a bona? E sego nna; Yena! “Go lokile, Ngwanešu Branham, ba re . . .” Ga ke tshwenyega gore ba reng. Kua O e diretše, nna. Seo ke ka moka ke se nyakago, ke tshwenyegago ka sona.

323 Ke no—ke no nyaka go bona Yena a bonagatšwa. O ka kgona go e dira bjang, go Mmiletša fase? Aowa. O ka go wena. Le a bona, O ka go wena. “Go lokile, gona, Morena, ge nka kgona go itloša ka bonna tseleng, O tla kgona go bonagatša. Ka bonna . . . O ka kgona go e dira bjang? Ka gore O e beetše bjalo. ‘Ka moka ba Tate a Nneilego bona ba tla tla.’” Elang hloko. Letago!

324 Le ka moka bohlatse bjoo bo kgobokeditšwe, bo na le rena bjale mosong wo, oo, ke nagana ka pina yela:

Ka moso wola wa tsogo,  
Ge dithapo tša lehu di tla kgaolwa,  
Re tla tsoga, (Haleluya!) re tla tsoga!

325 A le dumela seo? [Phuthego e re, “Amen.”—Mor.] Re tla tsoga! Ka go Yena ra ba karolo ya Gagwe, Paseka, sephiri sa Modimo se se utolotšwego go swana le ge se be se le nako yeo, sa Bophelo ka morago ga lehu. Bjale re a phela, bao gatee re bego re hwetše sebeng le dikarogong. Setswalelo sa therešo sa Paseka se kgaotše lehu go tloga go ntikologa, gomme ke a phela. Setswalelo sa Paseka, mathomong, se kgaotše setswalelo sa setswalelo sa Maroma, Setswalelo sa Paseka, seo A bego a tswaleletšwe godimo. Gomme banna, ge ba be ba ehwa, ba be ba ile; eupša O ile a kgaola setswalelo gomme a utolla sephiri. Gomme bjale Modimo, ka Moya wo Mokgethwa wa Gagwe, o kgaotše setswalelo go tloga go dikologa maphelo a rena, gomme Kriste o utolotšwe bjalo ka ge A phela ka go rena, ka gore bjale re phedišitšwe le Yena. Oo, letlakala ka morago ga letlakala!

Re tla tsoga, (Haleluya!)  
Re tla tsoga! (Amen!)

Ka moso wola wa tsogo,  
 Ge ditswalelo tša lehu di kgaolwa,  
 Re tla tsoga, (Haleluya!) re tla tsoga!

<sup>326</sup> Oo, a ga se la thaba! Ke thabile! Tsela morago tlase kua, ka go mokutwaneng wo monnyane wa go tšofala wa malahle mosong wo motee, ditswalelo di ile tša kgaolwa, gomme ke ile ka tsoga le Yena, ke le sebopiwa se seswa. Maatla a Gagwe a go phediša; Morwa o godimo.

<sup>327</sup> E sego botelele go fetile, ke boditšwe setori se sennyane ka mo—mo morei wa dihlapa. Mothaka o tlile ntle gomme a hira morei wa dihlapa wa go tšofala go mo tšeela go rea ntle ka Lebopong la Bodikela. Ba ile ka ntle mosong woo.

<sup>328</sup> Ge yo mongwe wa lena a kile a rea salmone ntle kua, ka baka la eng, le tseba se se diregago, go ba kgudi ya go befa ntle kua. Ka bona ngwanešu yo monnyane, Eddie Byskal, tlase kua, moromiwa go Maindia ntle kua. Gomme re ile ra rea dihlapa, ka borena, ntle ka mabopong ao.

<sup>329</sup> Ka fao morei yo wa dihlapa e be e le mohuta wa lenaka le letala, le a tseba. O ile a ya go rea, gomme ba ile ba thedimogela ntle. Ba letetše seetša sa letšatši go tla, le a tseba. Gomme ba—gomme ba be ba se sa kgona go kwa lenaka la kgudi gape, gomme morei yo wa dihlapa o ile ka moka a thantshelwa, o rile, “A re, re thedimogela ntle ka lewatleng! Hei!” Ka moka ba thantshelwa.

<sup>330</sup> O rile, “Dula fase, morwa. Dula fase.” Morei wa dihlapa wa go tšofala, a homotše, le a tseba. O be a tseba se a bego a bolela ka sona. A re, “E no leta go fihla letšatši le etla godimo, ka gona re tla kgona go bona mo re lego.”

Le re, “A ke swanetše go ba Momethodist? Mobaptist? Mopentecostal?”

<sup>331</sup> E no leta. Morwa o tla godimo, re tla bona mo re lego. Yena ke Lentšu. Letang go fihla le bona Lentšu le bonagatšwa, le kganya go kgabaganya Peu, Šerefe ya go šišinyega, re tla bona mo re lego. A le a Mo rata? [Phuthego e re, “Amene.”—Mor.]

<sup>332</sup> Tshwarelo ke le swaretše botelele. Ke ba bakae ba lena ba yago go šala bošegong bjo? Oo, e nong go tla morago gape nako yeo, mantšibua a, le a bona. E ka ba ka iri ya bošupa? A le bile le yo mongwe gape? [Ngwanešu Neville o re, “Aowa.”—Mor.]

A re inamišeng dihlogo tša rena.

<sup>333</sup> A go na le yo motee mo, goba ba bantši, ke mang yo a se nago Maatla a a go phediša ka go wena? Morwa o kgantše go kgabaganya, gomme le dutše ka mo tabarenekeleng ye, le theeditše ditheipe, eupša go le bjalo Moya ga se waka wa le phediša go fihla le ka kgona go latela Lentšu la Modimo, gore lena basadi le lena banna le ka kgona go obamela Lentšu le lengwe le le lengwe A le ngwadilego! Oo, seo ke selo sa kotsi. Go ka reng ge o ka ba peu ya go hwa, go se Bophelo ka go wena?



Eupša fao go selo se sengwe ka go wena, seo se go botšago, “Ke—ke nyaka go emelela, mosong wo. Ke nyaka go emelela go tšwa go leemo le ke lego ka go lona. Ga ke nyake go no ba peu ya go hwa, ya go tlogelwa go tšhila le kota ya go phaphamala. Ke nyaka go emelela.”

<sup>334</sup> A o ka emiša seatla sa gago, wa re, “Nthapelele, ngwanešu”? Modimo a go šegofatše. Modimo a go šegofatše. Nna, lebelelang diatla; fao ga go tselo le gatee ya pitšo ya aletara. Seo re se bitšago pitšo ya aletara, batho ba tla godimo go dikologa aletara, ga ke kudu godimo ga yona, go le bjalo. Yeo ile ya no oketšwa go kereke lebakeng la matšatši a tsošeletšo ya Methodist. Le a bona?

<sup>335</sup> Beibele e rile, “Ba bantši ba ba ilego ba dumela, le a bona, ba ile ba kolobetšwa.” Go na le mogobe fa, o tletše meetse, o letetše morutwana yo mongwe ke yo mongwe yo a loketšego go hwa go bobona beng.

<sup>336</sup> Bjale, o ka be o bolokilwe ka gare, dinako tše ntši, Leineng la Morena Jesu; eupša go fihla ge peu yela e le Bophelo, le a bona, Le ka se e phediše. Aowa, aowa, aowa. Kolobetšo ya meetse e swana le phoka ye e welego go tšwa legodimong; e ka kgona go wela godimo ga peu, eupša, fao ga go Bophelo fao, e ka se kgone go phela.

<sup>337</sup> Eupša ge kolobetše yela ya nnete ya meetse, ya go hwa go bowena, gomme o loketše go hwa go tšwa go se sengwe le se sengwe o kilego wa rutwa ke dithutotumelo le dikereke tša maina, seo se lego kgahlanong le Lentšu, gomme o tla sepela bjalo ka morwa goba morwedi wa Modimo, gomme o se ra ka pelo ya gago, hlokomela se kolobetšo yeo ya meetse e tla se dirago go wena mosong wo. “Sokologang, yo mongwe le yo mongwe yo motee wa lena, gomme le kolobetšweng Leineng la Jesu Kriste tebalelong ya diphošo tša lena, sebe sa lena, gomme le tla amogela Šerefe, moneelo wa go šišinywa. Le tla amogela Dikgontšha tshepelo, Moya wo Mokgethwa. Ka gore tshepišo ke ya lena, le ka moka ga bona. Go meloko ka moka, e tla ba bjalo.”

<sup>338</sup> Tate Modimo, ke—ke boletše ka botelele, le go tšea nako ye ntši ya batho, eupša, Morena Modimo, fao ga go go ema go yona. Go no bonala o ka re o tla tloga wa sepela go ya kgole, le go khutša, gomme wa bowa morago. Re phela ka lefaseng le le hwago, magareng ga batho ba ba hwago; le Molaetša wa Bophelo, gomme le bohlatse bja tsogo. Morategi Modimo, re no ya go ba bahu gatee, gomme e tla ba eng ge re tlogela sebakabotse se se re feta?

<sup>339</sup> Dipelo tša rena di a swa; disoulo tša rena di tswikinyegile; ba bao ba tlilego ka gare. Gomme ba bantši mo ba kwa Molaetša wo mosong wo. Eye, a mabedi goba a mararo makgolo ba phagamišitše diatla tša bona. Ba nyaka go dumela, Morena. Oo, ka nnete peu yela ga se ya hwa, Morena. Ba ka kgona bjang go emiša seatla sa bona ka mokgwa woo? Fao go selo se sengwe. O

Modimo, ke bowena bja kgale, ke mosadi yola wa Jobo o eme fale, o re, “Oo!” Eupša, Morena, dumelela Jobo yola, modumedi yola, go sepelela ka gare, mosong wo, a hwe ka go felela, gomme a bolokwe mo ka go kolobetšo ye ya meetse.

<sup>340</sup> Marothi a phoka ao a tšwago Legodimong, Lentšu la Modimo leo le rego Le tla hlatswa go tloša sebe se sengwe le se sengwe le go se tloša! O kolobetšwa Leineng la Jesu Kriste, go reng? Go lebalelwa sebe sa gago, dibe di a tlošwa Leineng la Jesu Kriste.

<sup>341</sup> A nke, gona, Tate, a nke . . . Ge ba babja, a nke ba sepelele ka ntle ba fodile. A nke, ge ba golofetše, a nke ba sepelele ntle ka tlase ga Maatla a Moya wo Mokgethwa. Ge e be e le badiradibe, a nke ba sepelele ntle ba hlatswitšwe le go hlweka. Gomme metšhene, ka go ya ka gare; Dikgontšha tšhepelo di tle go tšwa Godimo, Moya wo Mokgethwa, gomme o ba sware go tloga, Morena. Phediša mebele ya bona ya go hwa, ka gona re tla kwa maleme a mmapaale a maswa, maatla a Modimo, lerato la go se botšwe, mogau wa go hwa le mogau wa go phela; le Kriste yo a tsogilego, Mmele, Monyalwa yo a Mo emetšego lefaseng.

<sup>342</sup> Tate, ke ba Gago. Ba emišitše diatla tša bona. Ke rerile Lentšu. Bjale, Tate, ba amogele, ke a rapela. Leineng la Jesu Kriste, ke a e kgopela. Amene.

<sup>343</sup> Le a Mo rata? [Phuthego e re, “Amene.”—Mor.] A Yena ga a makatše? [“Amene.”] A le kgotsofetše gore le karolo ya tsogo yela ya Paseka, gore le tsogile le Yena? [“Amene.”] Emiša seatla sa gago. O akareditšwe.

<sup>344</sup> “Bana ba ka ba bannyane,” bjalo ka ge Paulo a ka be a boletše. Ga ke leke go mo ekiša, eupša, lerato, ke a le rata. Ka hlasela ditsela le se sengwe le se sengwe, go fihla mo, go hwetša go bolela le lena. Etlang godimo go tšwa leganateng, go kgabaganya lehlwa la go phaphamala, le go ya pele, go fihla mo. Re fofa ka difofaneg. Le otlela go kgabaganya naga, gore re kgone go tla mmogo. Re ratana yo motee go yo mong.

<sup>345</sup> Ke rena karolo ya yo motee go yo mongwe. Le se ke la tsoge la dumela Satane a le botša se sengwe gape. Go ba karolo yo motee go yo mongwe, re karolo ya Gagwe. Gomme re badudi mmogo ba Mmušo, re ipshina ka ditšhegofatšo tše, mmogo, tša tsogo.

<sup>346</sup> Gomme bjale, le a bona, bjale le šetše le tsoitšwe. Ge Modimo a tsošetša Yena godimo, O tsoitše le lena. Morwa bjale o no ba godimo ga lena, gomme bjale le golela ka go Bophelo bja go khukhuša go swana le ka fao A bego a le ka gona, go tla go tsošwa ka go felela ka letšatšing lela la mafelelo. Mabokgoni a lena, le nao bjale. Ka baka la eng le tseba? Soulo ya gago e fetogile, a ga se ya dira? Mmele wa gago o tla ka go Le obameleng, a ga o dire? Go obamela go (eng, kereke?) Lentšu, e lego Bophelo, gomme bjale o tsoitšwe go tšwa bahung. Ke Paseka, le Jesu le nna. Ke Paseka, le wena le Jesu. Gomme ke Paseka, le wena, nna, le Jesu. Ka moka re . . . Goba, Jesu, wena, le nna, ka moka re tsoitšwe mmogo.

347 Gomme re tla tsoga ka letšatši la mafelelo, le ge meoya ya rena e tlogela mebele ya rena, le ge mebele e rusa, a e ye leroleng, a e ke e tšhungwe godimo, a e ke e be ka tlase ga lewatle. Beibele e rile, “Morongwa o tšholletše ntle bja gagwe godimo ga lewatle, gomme se sengwe le se sengwe se bego se hwile sa tla godimo.” Ga go selo se ka kgonago go re uta, goba go re aroganya, go tloga go Modimo yola re mo ratago gabotse, yo a re tsošeditšego godimo mmogo.

348 Modimo a le šegofatše. Ke le swareletše mo nako ye telele. Ge bona batho ba sa le mogaleng, ka nnete ba . . . Ka masometlhano a disente ka motsotso, ka nnete ba lefile, mosong wo. Eupša, ke nno se kgone go ema ka iri yeo, ke ile ka no swanelwa ke go ya pele.

349 Bjale, Morena ge a rata, ke tla bowa morago bošego bjo, go bolela le lena gape. Gomme ge nka se kgone, gomme ka gona ka moka le a tseba . . . Ke nagana gore ga re sa le godimo gape . . . goba aowa . . . Ga re sa le mogaleng gape? Ga re sa le mogaleng gape.

350 Ka moka le tseba mo ke yago, a ga le tseba? Afrika! Ke beditše nako ye telele; lebaka la mengwaga ke lekile go ya morago. Bjale pono, Moya wa Morena o lokišitše tsela. Ba rile, ge badudi bale ba setlogo ba go diila ba ekwa, gore ga se ka tla nako ya mafelelo ge ke be le kua, ba robotše mobung mosegare le bošego, gomme ba popoduma le go lla, gomme ba re, “Morena, re dirile eng?” dikete tša bona. Batho bao le bile ga ba dumele gore ba na le soulo. Le a bona? Gomme ba llile le go popoduma, gomme ba llile.

351 Le se ke la romela lentšu pele. Ka kgopelo le se ke. Le a bona, ge bisa yela e ka direga go ya go kgabola kua gomme ya fihla magareng ga bona badiredi, ba tla nkemiša thwi fao. Ke swanetše go ya ka gare bjalo ka motsomi. Ke ya go mohumagadi yo a tlišitšego merwalo ya setimela ye lesomešupa tlase gomme a tla tlase kopanong. Ke swanetše go ya godimo go tsoma lefelong la gagwe. Gomme ke ya ka gare, pasepote ya ka le se sengwe le se sengwe e bitša motsomi, e sego tirelo ya bodumedi.

352 Ka gona fao go ya go ba ngwanešu yo motee a yago go nkgahlanetša, a re, “Ka baka la eng o sa be le tirelo ye nnyane ya rena?” Distediamo di šetše di hirilwe. Le bile ga ba e tsebe. Le a bona? Oo, letago!

353 Rapelang gore thato ya Modimo e se ke ya šitišwa. Gore, soulo ya ka yeo e lletšego Afrika ge e sa le ke tloga, a nke ke kgone go boela gape, ka gona ke le tlišetše molaetša wa kopano ye kgolo. Go molaleng nka se le bone gape, go tloga lehono, go fihla ke bowa morago. Re a ya, feela matšatšing a se makae bjale, la lesome Mei. A le tla nthapelela? [Phuthego e re, “Amene.”—Mor.]

354 Elelwang, ga o tsebe gore mathata ke eng, go fihla o itia kua; dingaka baloi ka lehlakoreng le lengwe le le lengwe, le diabololo,

gomme o se ke wa nagana gore ga ba tsebe se ba se dirago. Le a bona? Gomme bokaonekaone o tsebe se o belelago ka sona, ge o ema pele ga bona. “Eupša ke a tseba ka go Yena ke dumetše, gomme ke a fenyega gore O kgona go boloka seo ke se neetšego go Yena kgahlanong le letšatši leo.”

Bjale, fao go na le disakatuku di robetše mo.

<sup>355</sup> Morategi Modimo, bjalo ka ge Molaetša wo mosong wo, wa tsogo, gomme nna ke eme mo, Morena, gomme ke netefatša ka Lentšu gore Maatla ao a go phediša a ka go ngwana yo a dumelago. Ka fao, godimo ga go dumela, ka tumelo, gore Maatla ao a go phediša a fetotše bophelo bja ka. Gomme batho ba ba a dumela, Morena, gomme A fetotše maphelo a bona. Gomme re rapelela yo motee le yo mongwe.

<sup>356</sup> Ke beile diatla tša ka godimo ga disakatuku tše, gore. . . A nke Modimo, Yo a phedišitšego Jesu Kriste gomme a Mo tliša go tšwa bahung, gomme Moya woo o Mo tšoseditšego godimo go tšwa bahung, o dule ka mmeleng wa rena.

<sup>357</sup> Moya wo o bego o le godimo ga mmele wa Elisa, woo, ka morago ga ge a hwile gomme go se selo ge e se marapo, o bile le Maatla a go phediša ka go wona. Diatla tša baapostola di bile le Maatla a go phediša ka go sona. Menagano ya baapostola, pono ya baapostola, ma—ma maleme a badumedi, ka moka a bile le Maatla a go phediša.

<sup>358</sup> Gomme a nke Maatla ao a phedišago, ge ke bea Lentšu le godimo ga tšona, le diatla tša ka go emela moswarwa, ka mogau, wa Maatla ale a go phediša, a nke A phediše yo mongwe le yo mongwe wa mebele ye e babjago ye, gomme e dire go felela gape, Modimo, ka la Jesu Kriste Leina.

<sup>359</sup> A nke e se be feela disakatuku tše, eupša e be ya batho bao ntle kua ka batheeletšing, yo mongwe le yo mongwe a tlaišegago. Bana ba banyane bale, batho ba bagolo, eng kapa eng ba lego yona, a nke Maatla ale a go phediša a ba phediše thwi bjale, Leineng la Jesu. Amene.

<sup>360</sup> Bjale, ke ba bakae ba nago le Maatla a go phediša? [Phuthego e re, “Amene.”—Mor.] Bjale beang diatla yo motee godimo ga yo mongwe, ge Maatla ao a go phediša a le ka go wena.

<sup>361</sup> Bjale, fao go selo se tee go A tloša, go a šitiša, ke go se dumele ga gago. Mosadi o kgwathile seaparo sa Gagwe, a dirwa go felela: lesole la Moroma le tshwetše godimo ga sefahlego sa Gagwe, gomme le ya heleng. Le a bona? Ka fao e swanetše. . . go ya le gore o kae. A le a A dumela? [Phuthego e re, “Amene.”—Mor.] A le a A dumela?

<sup>362</sup> Bjale ke le nyaka le inamišitše hlogo tša lena le rapelelane yo motee go yo mongwe. E nong—e nong go rapela thwi ntle, e no re, “Morena, motho yo” . . . Le a bona, e nong go rapelelane yo motee go yo mongwe.

<sup>363</sup> Morategi Modimo, re dira se Leineng la Jesu Kriste, Leina le nnoši le filwego magareng ga motho leo re ka kgonago go phološwa goba go fodišwa ka lona. Batho ba, ba e lego badula mmogo ba Mmušo, mong wa Maatla a go phediša, A phediša go bona, Morena, feela bjale. Gomme a nke Moya o tloge go tšwa go ntšhu go ya go ntšhu, go tloga go Lentšu go ya go Lentšu, go fihla botlalo bja Jesu Kriste bo dirwa go bonala ka go wo mongwe wo le mongwe wa mebele, nameng, semoyeng, goba senyakwa sefe le sefe ba se nyakago, ge re bea diatla tša rena yo motee godimo ga yo mongwe. Leineng la Jesu Kriste.



*KE GO HLABA GA LETŠATŠI* NST65-0418M  
(It Is The Rising Of The Sun)

Molaetša wo ka Ngwanešu William Marrion Branham, setlogong o abilwe ka Seisimane ka Lamorena mosong, Aporele 18, 1965, mo Tabarenekeleng ya Branham ka Jeffersonville, Indiana, U.S.A., o tšerwe go tšwa go theipi ya go gatišwa ya makenete gomme o ngwadilwe ntle le go fokotšwa ka Seisimane. Ye ya North Sotho tlhathollo e ngwadilwe gomme ya phatlalatšwa ke Voice of God Recordings.

NORTH SOTHO

©2017 VGR, ALL RIGHTS RESERVED

VOICE OF GOD RECORDINGS, SOUTH AFRICA OFFICE  
58 DISA ROAD, ADMIRAL'S PARK, GORDON'S BAY 7140 WESTERN CAPE  
REPUBLIC OF SOUTH AFRICA

VOICE OF GOD RECORDINGS  
P.O. BOX 950, JEFFERSONVILLE, INDIANA 47131 U.S.A.  
[www.branham.org](http://www.branham.org)

## Tsebišo ka tokelo-kgatišo

Ditokelo ka moka di bolokilwe. Puku ye e ka ngwalollwa godimo ga sengwalolli sa ka gae go šomišwa ke mong goba go fiwa ntle, mahala ntle le tefo, bjalo ka sedirišwa go gaša Ebangedi ya Jesu Kriste. Puku ye e ka se kgone go rekišwa, go tšweletšwa gape ka bopepetla, go romelwa go website, go bolokwa go sedirišwa sa go bušetša, go hlathollelwa malemeng a mangwe, goba go šomišetšwa go kgopela ditšhelete ntle le tumelelo ya go ngwalwa ya Voice Of God Recordings®.

Tshedimošo ye e Tseneletšeng goba materiale yo mongwe o leng gona, ka kgopelo ikopanye le:

VOICE OF GOD RECORDINGS  
P.O. Box 950, JEFFERSONVILLE, INDIANA 47131 U.S.A.  
[www.branham.org](http://www.branham.org)